

# *MOTSETA WA MANTSIBOA*

 Ke a le leboga, kudu. Morena a le šegofatše.  
Le ka dula.

<sup>2</sup> Morwa wa ka o be a le godimo lehono, gomme o rile, “Papa, ke duma ge nkabe re bone kereke yela pele re thoma go aga ya rena, ke lefelo le lebotse bjalo.” Gomme o boletše ka . . . A re, “Ga se ka ke ka kopana le modiredi le bjale, eupša ge a le motho yo mobose bjalo ka mosadimogatša wa gagwe, ka kgonthre ke motho yo mokaone.” Kafao re thabile go ba mo.

<sup>3</sup> Gomme ke—ke lebeletše pele go ko—ko kopano bošegong bjo, gore Modimo o tšhollela ntle ditšhegofatšo tša Gagwe godimo ga rena le go re thuša.

<sup>4</sup> Bjale re . . . ke sa tšo tsena, gomme ke kwele Ngwanešu Williams, Ke a dumela, go bolela se sengwe ka ga go beng ka Ramada. Gomme ke a thankā ditsebišo di dirilwe, tša e ka ba seo. Ka mehla ba hlokomela seo pele ke tsena. Gomme ka kgonthre re lebeletše pele go nako ye kgolo tlase ka khonferenseng. Gomme karolo ya ka mo e no ba mohuta wa go ya go dikologa le go kopana le baena le kopanelo magareng ga batho, le go rapela gore Modimo o tla re fa mo—mo mohuta wa nnete wa khuduego, gomme ka gona re ka kgona go ya thwi go otloga ka Ramada ka kopanong ye kgolo. Gomme kafao re leka go etela dikerekē tšohle tšeō ka kgonagalo di kgonago, go fihlela nako yeo. Gomme re ne nako ye kgolo. Ka kgonthre re na le nako ya go makatša le kopanelo ya magareng ga baena ba rena.

<sup>5</sup> Gomme ka mehla ke . . . E ka ba mang o a tseba ga ke moreri kudu, ke no ba mohuta wa thaere ya sephere. Eupsa ke—ke . . . Bodiredi bja ka ke go rapelela balwetši. Gomme ke . . . Re bile go pitlagana kudu mašego, le dilo, go fihla go thata go hwetša sekgoBa sa go lekanelo go dira bjalo. Gomme re ya go leka ge eba re . . . ge re fihla ka mafelong mo re kgonago, ka mo, go fa ntle dikarata tsoko le go tliša batho ka gare le go ba rapelela. Eupsa go beng le kopano ya bošego bjo botee ka nako, se o bego o ka se se hwetše bošegong bjo gomme morago ba tla di pinyeleša go theogela tlase felotsoko gape bošego bja go latela, le moragoragogodimo felotsoko gape, gore ka tsela yeo ke no ba mokgwa wa go dira polelo ye—ye nnyane—ye nnyane bošegong bjo bongwe le bjo bongwe bakeng sa batho, le bokaonekaone bjo nka kgonago go bo dira mohuta wa . . . tlhompho le letago la Jesu Kriste, le go Ÿena bohole re mo ratago le go dumela, le kopanelo mmogo ya rena.

<sup>6</sup> Ke a thankā le kwele kotsi mo khoneng, feela dinakwana di se kae tša go feta. Ga ke tsebe ge eba monna o bolailwe, goba e ka ba mang a bilego, koloi e tlie go kgabola. Re nno

ema, feelsa lentšu la thapelo, dinakwana di se kae tša go feta. E ka ba dipoloko tše pedi godimo fa go be go le yo mongwe o be a iteilwe ka mathoko gomme o ketoletšwe tselayohle godimo mo mokgotheng. Gomme motho yo mogolo o be a khupeditšwe godimo ntle kua. Gomme maphodisa a be a le fao, eupša ga ke nagane gore ambulense e kile ya fihla fao nako yeo. Ba swanetše . . . Ge e se ya bolawa, ka kgontha e be e le . . . Go betha ka lehlakoreng *le* le go ketolwa tsela yohle go kgabola lebati ka lehlakoreng le lengwe, kafao e swanetše go ba e bile mothuthupo wa go šiiša. Le a tseba, o no . . .

<sup>7</sup> Re swanetše go direla Modimo motsotswo mongwe le wo mongwe. Ga re tsebe ke nako mang—ga re tsebe ke nako efe yeo dilo tšela di ka diregago. Mohlomongwe re nagana e ka se be rena, eupša le a tseba e ka ba yona, le a tseba. Kafao, ke a dumela Jesu o rile, “Itokiše,” ka gore ga re tsebe motsotswo goba iri ye re ka bitšwago go yona. Gomme ka gona re tla ya lefelong mo ba se nago dikotsi, gomme go sego mathata. Re thakgetše kudu go na lefelo boka leo ka tshepišong.

<sup>8</sup> Le a tseba, wona mogopolo, bošegong bjo, wa—wa go bona gore re tla hlogela lefelo la go swana le leo, seo se laetša gore fao go lefelo le le bjalo. Le a bona? Gomme re a tseba gore dinkekethifi tšohle, meriti yohle, go swanetše go ba se sengwe go dira moriti. Moriti ke ponagatšo. Kafao ge go na le bophelo boka bjo, bo netefatša gore ke moriti, gona go ne bophelo bja kgontha felotsoko bo bonagatšago. Le a bona? Le hlokomela mohlare, ka fao mohlare o lego wo mobotse. Gomme le tseba se woo e lego? Ke mohuta wa nekethifi, moriti, wa Mohlare wa Bophelo ka Legodimong.

<sup>9</sup> Bjale, le a tseba, ge Modimo a tlie lefaseng, ge A be a alamela godimo ga lefase mo mathomong, gomme mohlomongwe selo sa pele se tlilego godimo e be e le ko—ko kolopisane, bjalo ka ge borasaense ba leka go bolela. Selo sa go latela se ka no ba se bile se sengwe . . . Ke dumela go ebolušene ya therešo ya Bokriste, eupša ga ke dumele yohle e tšwa go sele e tee. Ke a dumela e no ba . . . Modimo o dirile kolopisane, gomme ka gona A dira hlapi, gomme ka gona A dira se sengwe gape. Gomme feelsa . . . ke dumela go go tleng godimo, e sego ka sele ya go swana, eupša sebopiwa sa go fapana nako yohle.

<sup>10</sup> Gomme mafelelong O tšwetšepele, go tla mohuta wa godingwana, gomme morago ga lebakana go bonagaditše yo Motee a bego a dira go alamela, e bego e le Modimo. Bjale, go netefatša gore ke nnete, ge Modimo a dirilwe nama e be e le Jesu Kriste, motho. Le a bona? Kafao, e sego Morongwa, motho. Kafao go ya go laetša gore go bonagatša Yena.

<sup>11</sup> Gomme, oo, Beibele ye ya kgale e tletše tšona tše borala tša mogau tša kgale. Ke no . . . Ke rata go no hlola (a ga le?) gomme go no ya ka kua le go hlochlora lerole lohle go tloga go Lona, le

go Le lebelela le go bona se Le lego. Ka fao mabje a bohlokwa, lena batho le tsebago fa ka Arizona, mabje a bohlokwa a magolo a tšwa leroleng la lefase. Fao ke mo a tšwago. Gomme mabje a bohlokwa a Modimo a tlišwa godimo go tšwa leroleng, le ona. Gomme O... Re thabile kudu gore O re fa monyetla wa go ya ka go tlhwekišo ya Gagwe ye kgolo, gomme togotogo yohle e ntšhitšwe.

<sup>12</sup> Le tseba ka fao ba bego ba tlwaetše? Nnete, lena batho ba Arizona le tseba ka mo ba... pele ba eba le setološi, ka fao ba bego ba fele ba hlwekiša gauta. Re a botšwa gore ba tšere gauta gomme ba e itia. Maindia a kgale ba be ba tlwaetše go dira seo, ba e itia. Le go no e retolla, le go e itia le go e itia, go fihlela ba ntšhitše togotogo yohle go yona. Gomme ka tsela ye ba tsebilego yohle ya ona a tšwile (matlapabofora ohle le selo seo se lego ka go yona, tšohle tšeо), ge ba tsebile ka fao, moitei a bonego ponagatšo ya gagwe ka go yona, o kgonne go ipona yenamong. Ka gona o tsebile e be e etla go bonagala, ge e bonagatša seswantšho sa gagwe mong.

<sup>13</sup> Gomme, le a tseba, ke nagana Modimo o nyaka go dira Kereke ya Gagwe ka tsela yeo, go no itiela lefase lohle ntle go fihla ponagalo ya Jesu Kriste e phela ka go yo mongwe le yo mongwe wa rena gomme re bonagatša Bophelo bja Gagwe. Gona re komana nako yeo bakeng sa wa Gagwe... O bonagatša Yenamong ka rena mo nakong yeo, ge re hwetša... beela thoko boima bjo bongwe le bjo bongwe le sebe seo se re nyamišago gabonolo, gore re ke re kitime ka kgotlelelo lebelo leo le beilwego pele ga rena, re lebeletše go Mohlala, Mothomi le Mofetsi wa Tumelo ya rena, Jesu Kriste. Re thabetše Seo kudu!

<sup>14</sup> Bjale, ka mehla ke bolela bošego bjo bongwe le bjo bongwe... ke rile go Ngwanešu Carl Williams, ke rile, “Ngwanešu Carl, bona batho ga ba nyake go nkwa gape, godimo le tlase go kgabola yona meedi, go ba swarelela go fihla diiri tše pedi goba tše tharo bošego.”

O rile, “Gabotse, gabotse, etla pele.”

<sup>15</sup> Kafao ke leboga kgotlelelo ya lena ka go—ka go ntaletšeng morago gape. Gomme bjale bošego bjo bongwe le bjo bongwe...

<sup>16</sup> Ke boletše le mosadimogatša wa ka nakwana ya go feta, tlase... O ka Tucson bjale, gomme ke rile, “Boso bo bjang?”

<sup>17</sup> O rile, “Go a ruthela.” Gomme o rile, “A o swere peakanyo?”

Ke rile, “Feela tlwa, e ka ba lesome goba lesometee bošego bjo bongwe le bjo bongwe.”

<sup>18</sup> Ke rile go yena, “Ke ya go hwetša khutšo tsoko ge ke eya ntle Arizona nako ye ka kopanong ye nnyane ye. Ke ya dikerekeng tšela, baena bale. Ga ke ye go otla batho bale, Ke ya go no ya ka kua gomme ke ya go dira moopelo o dirwe, mogobo. Ke ya go itekanyetša nnamong, ke bea dinoutse tša ka fase go e ka ba ye

lesometlhano, metsotso ye masomepedi, ke re ‘Amene’ gomme ke ye gae.”

O rile, “A o peakanyong?”

<sup>19</sup> Ke rile, “Ee, hani, ke yena; peakanyo ya mehleng, godimo go diiri tše tharo.” Batho ba bakaone kudu; kgotlelelo ye ntši kudu.

<sup>20</sup> Gabotse, a re inamišeng dihlogo tša rena feela nakwana bjale ge re Mmatamela. Bjale, ke na le nneta gore ka go batheeletši ba bakaone ba batho bjalo ka ba bao ba dumelago, gomme gagolo . . . Ke bona mepete ye mebedi e robetše mo, batho ba ba babjago le go hloka, ke a tseba ba na le dikgopelo tša go ikgetha. Ntle le go kamaka eupša gore go na le ba bantši ba bangwe ba ba nago le dikgopelo tše. Ge go le bjalo, e no phagamišetša diatla tša gago godimo gomme o no e dira e tsebje ge o phagamiša seatla sa gago. Gomme bjale ka thapelong ke ya go ya godimo le go rapelela batho ba ka mepeteng ye, ge—ge re sa le fa, kafao re ba kgonthe go e hwetša. Ge se sengwe se direga . . . Ba be ba botegile go lekanela go tlišwa ka fa, ke nyaka lena bohle le rapele le nna.

<sup>21</sup> Tate wa rena wa Magodimong, re beela thoko bjale kgopolو ye nngwe le ye nngwe gape, go hlwekiša menagano ya rena, gomme re tla ka Bogoneng bja Gago bakeng sa tlhwekišo ya soulo ya rena. Gomme re tliša pele ga rena Madi a Morena Jesu. Re a ipolela gore ga re na maswanedi go tšhegofatšo efe kapa efe yeo O tla re fago, eupša ka lebaka la gore O hwile gore re ke re hwetše ditšhegofatšo tše, gomme o re boditše go tla ka sebete pele ga Terone, gore re ne phihlelelo go ditšhegofatšo tše ka mogau wa Morena wa rena Jesu, Yo a tliego lefaseng, Imanuele, gomme o tsere legato la modiradibe. O bile *rena*, oo, gore re ke re be *Yena*.

<sup>22</sup> A neeletšano, Morena! Bja go tlala sebe, bophelo bjo bo tlementšwego hele bjoo re bileygo le bjona, le go tseba gore yo Motee o tlie gomme a tšeela bophelo bjola godimo ga Gagwemong, gomme a hlwekiša dibe tša rena ka Madi a tšholotšwego a Bophelo bja Gagwe Mong. Ke bontši go feta dipelo tša rena ebile di ka nagana ka tšona, Morena. Gomme ka gona, ntle le seo sohle, O dirile tsela go tloša bokgopo bja rena le go re fodiša ka megogoma ya Gagwe. Re leboga kudu gore O tshepišitše gore O tla re boloka gabotse ge re be re Mo direla.

<sup>23</sup> Gomme bjale bošegong bjo, Tate, go na le dikgopelo tše dintši di bileygo . . . ka diatla tša bona di phagamištše godimo. Re a tseba gore O tla hlompha yo mongwe le yo mongwe wa bona, go tseba se se lego ka tlase ga seatla, ka pelong.

<sup>24</sup> Gomme ke a kgopela, Morena, gore O tla elelwa Lentšu bošegong bjo ge re Le bala; le go naganiša godimo ga Lona bjalo ka thuto ye nnyane, boka sekolo sa Lamorena, gore re ke re tloge fa bošegong bjo le—le go ba le se ka dipelong tša rena, gore re ikwela boka gore re tla ba kgauswi le Wena, go yeng ntle, go feta re bile ge re etla ka gare. Ke ka baka leo re lego mo, gore e tla tliša tsošeletšo go dikologa naga, go se tsebe feela

gore e ka thoma neng, eupša ka ditetelo re lebeletše pele go yona, Morena. Re bea pele matsapa a mangwe le a mangwe a batho ao re tsebago mokgwa wa go tliša tsošeletšo ye e tlišago monna le basadi, bašemane le basetsana, go tsebo ya go phološa ya Kriste.

<sup>25</sup> Re nyaka go Go leboga bakeng sa kereke ye, bakeng sa modiša wa yona yo mokaone le lapa la gagwe, le go matikone ohle, bahlokomelaphahlo, le bakeng sa tšohle tšeо e di emelago. Re a Go leboga bakeng sa bao ba lego bogale go ema kgauswi. Gomme, Morena, re no rapela ditšhegoфatšo tša Modimo di khutše godimo ga bona. Šegofatša matsapa a mangwe le a mangwe. A nke ye e be seteše, Morena, moo moedi ohle fa o ka tlago gomme wa hwetša go khutša. E fe, Tate. A nke dithapelo tša modiša di arabelwe go balwetši. A nke dithapelo tša gagwe di arabelwe bakeng sa phološo, go bohole bao ba yago ka gare—go mafihlelelo a Ebangedi. A nke ditšhegoфatšo tša Gago di be godimo ga gagwe. Gomme a nke kereke e se hlaetše mpho ya semoya, a nke e be lefelo, kereke mohlala go setšhaba sohle. E fe, Morena.

<sup>26</sup> Bjale, Tate, go robetše godimo ga mepete mo bošegong bjo, ba ba sa kgonego go dula godimo le go ipshina ka kopano, ke bao ba se nago monyetla wo. Gomme ba rwaletše ka mo ka tsela ye nngwe, bošegong bjo. O Modimo, eba le kgaogelo! Ke a nagana, “Go ka reng ge yoo e be e le mosadimogatša wa ka goba ngwanešu wa ka, goba yo mongwe yo e bego e le leloko, yo ke mo tsebile gabotse ka kgonthe?” Ke wa yo mongwe, gomme ke a rapela, Tate, gore mogau wa Modimo, ka maatla a Gagwe, o tla obeletša fase ka go tokologo ye Kgethwa bakeng sa bona bošegong bjo, le go ba lokolla go tšwa mepeteng ye. A nke ba se be ka mepeteng ye botolele bjo bo itšeо go feta kopano ye bošegong bjo. A nke, ge ba tloga, mepete e tlogelwe morago. A nke maatla, ao a tsošítšeо Jesu go tšwa bahung, a phediše mebele ya bona go pholo ye mpsha le maatla gape. E fe, Tate wa rena. Bjale, re a tseba gore O tshepišitše go e dira.

<sup>27</sup> Ka fao, go ngwadilwe ka Mangwalong, “Maswao a a tla latela bona ba ba dumelago. Ge ba bea diatla tša bona godimo ga balwetši, ba tla welwa ke maruru.”

<sup>28</sup> Bjale, Tate, gore go se be le yo mongwe ka go phihlelelo ya bona, mola ba bangwe ba ka kgona go fihlelana seng sa bona, Ke tla sepelela tlase segopotšong sa taelo ye. Gomme, Modimo, ke ya go leta go ba le lengwalo go tšwa go bona, gore e dirilwe, ka gore ke ya Leineng la Jesu Kriste.

<sup>29</sup> [Ngwanešu Branham o togela sefala lebaka la metsotsye meraro le seripa go ya go rapelela bao ba lego godimo ga dikhote, mantšu a gagwe ga a kwagale—Mor.]

Morena, ke a dumela, O Morena, ke a dumela,  
Dilo tšohle di a kgonega, Morena, ke a dumela;

Morena, ke a dumela, Morena, ke a dumela,  
Dilo tšohle di a kgonega, Morena, ke a dumela.

<sup>30</sup> Ka gore bobedi bja bahumagadi ba be ba ne dihloga, kankere go yo motee, gomme, ka pela nka no fa bopaki bjo bonnyane bjo, ge eba ke swanetše go ripa ye nngwe ya polelo ya ka bokopana. Feela pele ke tloga gae, taba ya mafelelo ke bilego le yona pele ke tloga, yeo e be e le taba ya go itlhaola, go be go na le mohumagadi gomme leina la gagwe ke Dyer; o be a le, ke lebetše leina la gagwe bjale. E be e le Ngaka Dyer, go tšwa Louisville. James, Ngaka James Dyer, makgone go dihloga, le go ya pele, ka Louisville.

<sup>31</sup> Morwedi wa gagwe o bapetše piano ka kerekeng ya The Open Door, yeo Ngaka Cauble e lego modiša; feela se, oo, se segolo, sinagogue sa kgoparara sa kgale sa Bajuda. Gomme monna ka boyena e be e le wa Church of Christ, kerekeneina ya Church of Christ, gomme a sokolletše ka go dumeleng ebangedi ya Ebangedi ya go tlala, monna yo mokaone kudu. Gomme o bapetše ka kopanong ya ka ge ke bile le yona ka Louisville, ka go Otithoriamo ya Segopotšo. Gomme o be a tlabegile go bona se se diregilego, le go leka go botša tatagwe ka yona.

<sup>32</sup> O rile, “E no ba saekolotši. Batho bale ba no babja bjalo ka ge ba kile ba ba.” Gomme kafao—kafao o be a ka se E dumele.

<sup>33</sup> Mafelelong o sesefaeltše go tloga kerekeng, o nyetše ke mošemané go tšwa seminaring ya Baptist, gomme mafelelong o tlogile go tumelo ya gagwe. O be a hlahlilwe go ba modiredi, gomme bjalo ka ge Mobaptist a e dira ka tsela yeo. Gomme kafao ba... Mafelelong o ile kgole, ga se a nyaka go rera. Gomme ba sepeletše godimo go batho ba gagwe ka Rockford, Illinois.

<sup>34</sup> Mafelelong o, Jean, o thoma go ba le bothata tsoko bja sesadi. O ile go tatagwe bakeng sa tlhahlobo, a tla morago Louisville bakeng sa tlhahlobo. Gomme, ge ba dirile, ba hweditše se se bitšwago “sekutu sa tšhokolete,” se ka go dithaka tša bosadi. Go tloša seo, tatagwe, ka karo ye kgolo, gomme o swanetše go be a kgaotš se sengwe sa se—se sekutu ka go yena. Gomme mafelelong... Gomme ba mo file X-ray ye nngwe ya go teba le—le kalafi.

<sup>35</sup> Gomme kafao gona ge ba... ge a ile morago gae, gomme o tšwetšepele go ba le bothata.

<sup>36</sup> E ka ba ngwaga moragwana ba mo tlišitše morago bakeng sa tlhahlobo ye nngwe, gomme ba bile le go tlošwa ga popelo go felela. Gomme go direng bjalo, tate, le Ngaka Humes, yo e lego yo mongwe wa dingaka tše kgolo tša Borwa, o karile, gomme e be e le kgole kudu, kankere e be e šetše e phuthetše ka go lelalegolo. Kafao ba mo tlogetše fale nako yeo lebakana. Morago o lekile dikalafi tša X-ray gape, gomme ba bone ga se e be le mohola, kafao ba nno mo iša morago bookelong go... Ba be ba se sa kgona go mo fa tša go gofa gape go dira mala a gagwe a

sepele, ka fao ba lekile go mo hlatswa ka enema. Gomme seo se fihlile gore meetse a se sa ya ka maleng gape.

<sup>37</sup> Kafao gona monnamogatša wa gagwe o be a le mohuta wa ba bangwe ba baswaswalatši ba ka. Gomme kafao mafelelong letšatši le lengwe o tlide tlase kua gomme a topa puku le go thoma go e bala. (Gomme morwa wa ka fa le Ngwanešu Sothmann, ke yo mongwe wa bahlokomelaphahlo, o ka fa felotsoko.) Gomme o nno robala godimo ga mojako wa kereke, gobaneng, lebaka la e ka ba matšatši a mmalwa, go fihla...ke—ke be ke le kgole ka kopanong. Go tleng morago ke—ke ile godimo go mmona. Gomme o mpoditše, a re, “Bjale, ga a tsebe gore o na le kankere.” O rile, “Nno ya gomme o bolele le yena gomme o rapele le yena.”

<sup>38</sup> Gomme kafao ge ke mmone, o rile, “Ngwanešu Branham,” o rile, “monnamogatša wa ka o ya go amogela phodišo Kgethwa,” o re, “gobane ga se ke kgone go mo dira a lebelele go ye nngwe ya dipuku, bjale o mpalela letlakala ka morago ga letlakala letšatši le lengwe le le lengwe, ye nngwe ya dipuku.”

<sup>39</sup> Gomme ke rile, “Ke kwešiša seo, Jean.” Gomme ke rile, “Bjale, Jean, a re bolele le go bona se Morena a tla se bolelago.” Ga go yo motee ka kamoreng, mooki o itlošitše yenamong. Gomme kafao re boletše lebakana le lennyane, gomme morago ga lebakana go tlide pono. Ke... A ka ba bogolo bja mengwaga ye masomenne, ga se a šo a ba bopududu, eupša o be a le bogolwane kudu le bopududu. Ke rile, “Jean, bjale, o bile ka dikopanong.”

“Ee, Ngwanešu Branham.”

<sup>40</sup> Ke rile, “Ba go fihletše yona, gomme ba mpoditše go se e bolele, eupša o ne kankere.” Gomme ke rile, “Tatago le... Goba monnamogatša wa gago o rile, ‘O se bolele selo ka yona.’ Eupša o ne kankere, Jean. Eupša, bjale, ke nyaka go go botša, ka gore o bile ka dikopanong. Pono ga se ya ke ya palelwa. Bjale ke ya go go botša, Jean, ke Ô RIALO MORENA! O a bona?” Le a bona?

<sup>41</sup> Bjale, le nyaka go ba nnete ka kgonthe ya seo, le a bona, gore... gore ke Morena. E sego go bonagala; le a e bona. Le a bona?

Gomme ka gona ke rile, “O ya go phela. Bona ba... O...”

<sup>42</sup> O rile, “Ngwanešu Branham, ke belaetše seo nako yohle.” Gomme o rile, “Go godišwa ka lapeng le tate wa ka go beng ngaka,” o rile, “Ke—ke—ke e belaetše.” O rile, “Ke naganne seo nako yohle, seo e no ba se se bego se le.” Re rapetše.

<sup>43</sup> Letšatši le le latelago, letšatši la bobedi ka morago ga fao, ba be ba eya go mo tseela godimo go kara lelalegolo. Ke gore, le a tseba, ba sega lela gomme ba Bea mokotla ka lehlakoreng gomme gona molwetši o no... go fihla ba ehwa, mafelelong kankere e a ba bolaya, ba kgotholela mantle ka mokotleng. Gomme feela ge ba bile le yena komana, gomme ba šetše ba lokišeditše pele le go lokiša tafola ya karo, o ikwetše go se tlwaelege ka kgonthe.

Gomme ba . . . o biditše mooki go tla go mo thuša go ya n—n ntlobohlapelo. Gomme, ge a dirile, o bile le go ithoma ga tlwaelo. Gomme monnamogatša wa gagwe—wa gagwe o be a no se kgone le go e kwešiša. Gomme letšatši la bobedi . . . Ga se ba mo iša godimo. Letšatši la bobedi, go itekanelo, feela ka morago ga difihlolo, go ithoma go gongwe gwa tlwaelo. Kafao o . . .

<sup>44</sup> Ngaka ya gagwe e leditše. Gare ga mesehumolo le go lla, o rile, “Ke no se kgone go kwešiša, ebile ga re kgone go hwetša sekä se tee sa yona le gatee. E ile.”

<sup>45</sup> Bjale, bjale, dikgaetšedi tša ka tše bohlokwa, ga ke ne lebaka go ema fa bjalo ka mohlanka wa Kriste le go bolela se sengwe sa phošo, gobane ke tla ahlolwa letšatšing leo, le go lahlwa, bjalo ka moikaketši.

<sup>46</sup> Bjale, le Lentšu la Modimo le butšwe, ga se ka hlwe ke rapelela Jean le go hlokokala go fetiša ke le diretše, le a bona. Re no ottelel go theoga kota ye nnyane yela, re tseba gore thapelo ya tumelo e be e rapetšwe. Seo se a e rarolla thwi fao. Lentšu la Modimo le boletše bjalo, le a bona, “Thapelo ya tumelo e tla phološa molwetši.”

<sup>47</sup> Bjale, Modimo wa go swana yoo a fodišitšego morwedi wa Ngaka Dyer, yo e lego Jean . . . ga ke tsebe leina la gagwe ke mang bjale. Eupša monna yola ka kgonthe o gokaretše Ebangedi ya go tlala. Thero ya mafelelo ka kerekeng, šo o be a dutše thwi fale a e tšeа yohle ka gare, a tšeа selalelo le rena, le se sengwe le se sengwe gape, moithuti wa Baptist o tlide go Morena bakeng sa kolobetšo ya Moya wo Mokgethwa. Bjale, go no ya go bontšha gore Modimo o dula a le Modimo.

<sup>48</sup> Gomme ngaka, tatagwe, monna wa go ratega, eupša o be a no se tsoge a bone e ka ba eng boka seo se direga.

<sup>49</sup> Bjale, Modimo o na le nako ya dilo ka moka. Gomme go tloga go dumeleng, bobedi le badumedi. Kafao dinako tše dingwe dilo tše di direga go iša go lokeng. Le a tseba, Beibele e rile, “Di šomela mmogo go tše botse.”

<sup>50</sup> Bjale, le elelwa Jobo, diteko tšohle tše gagwe? Bjale, yoo e be e se Modimo a kgala Jobo, eupša e bile Modimo a dumelela mohlanka wa Gagwe. Kafao yohle e šometše go loka, le a bona. Gomme ka gona Puku ya Jobo e be e ngwadilwe bakeng sa meloko yohle, bakeng sa bopaki. Bjale, Modimo o bo šomišetša go loka.

<sup>51</sup> E nong go elelwa, ke rapetše, ka pelo ya ka yohle, thapelo ya tumelo. O a e dumela, gomme fao, yeo e tla ba yona, yeo e tla ba taba, nno—nno šetšang bakeng sa dipuelo.

<sup>52</sup> Bjale, go ya thwi ka go mo—mo molaetša, (ba bantši ba eme), molaetša wo monnyane wa mantšiboa.

<sup>53</sup> Gomme—gomme e nong go elelwa bjale, fao ka—ka Ramada, go ya go ba diboledi tše dingwe tše kaone kudu ka go khonferense

ye ya Ramada ka nako ye, Banna ba Kgwebo, kafao le...tlase ka Ramada. Kafao eba le nneta go leka go tsenela kopano ye. Ngwanešu Oral Roberts o ya go ba fao bošegong bja moletlwana.

<sup>54</sup> Gomme, bjale, ke mohuta wa karolo ye nnyane ya Tucson, ke ya go e swara godimo bakeng sa Tucson. Re na le e tee tlase kua, gape, Mošupologo wo o latelago bošego, kafao ge o ka direga go ba tikologong kua, gabotse, etla fase mo le wena. Gomme le tla swanela go...le ka no tlaišega nako ye nnyane le nna, gobane ke swanetše go bolela yeo. Kafao le tla tlase ge le ka kgona Labobedi la go latela...Mošupologo wa go latela bošego ka Ramada Motel, Ramada Inn, ka Tucson. Gomme, nneta, bohole re a tseba gore Phoenix e no ba tikologontle ya Tucson. Bohle re tseba seo, le a bona, kafao—kafao etlang tlase gomme le bone ka fao setšhaba sa thaba se phelago.

<sup>55</sup> Bjale a re phetleng ka go Dibeibebe tša rena go Sakaria 14, tema ya 6 le ya 7, Ke rata go bala bakeng sa...go goga go tšwa go kgwekgwe ye ya sehlogo seo ke dumago go se tšea.

*Gomme go tla direga ka letšatšing leo, gore seetsa se ka se hlake, goba leswiswi:*

*Eupša go tla ba letšatši le tee leo le tla tsebjago go MORENA, e sego mosegare, goba bošego: eupša go tla tla go phethega, gore go tla ba seetsa ka nakong ya mantšiboa.*

<sup>56</sup> Bjale ke rata go goga go tšwa go se, *Motseta Wa Mantšiboa*, bakeng sa kgo...bakeng sa sehlogo: *Motseta Wa Mantšiboa*. Nneta, re ka ba le batseta gohole go kgabola letšatši, gomme go bile batseta gohole go kgabola letšatši le bao A boletšego ka bona, eupša go tla Molaetša wa mantšiboa. Gomme re nyaka go lebelela seo bošegong bjo le mohuta ka tsela boka sekolo sa Lamorena, go bolela ka sona nakwana.

<sup>57</sup> Bjale, bohole re tseba se Sakaria mo a bego a bolela ka sona, gobane o rile, “Go tla tla letšatši leo le tla balelwago go Morena, e sego mosegare goba bošego; eupša ka mantšiboa go tla ba Seetsa.” Bjale, ge re ka be re tsebile gore e be e se mosegare goba bošego, e tla swanela go ba mohuta wa le—le—le letšatši la leutu, mohuta wa letšatši la kgudi.

<sup>58</sup> Gomme bohole re a tseba gore tlhabologo e sepetsé go tloga bohlabeleda go ya bodikela. Tlhabologo ya kgalekgale re nago le yona ke China. Gomme tlhabologo e sepetsé go tloga bohlabeleda go ya bodikela, gobane e latetše letšatši, gomme bjale re na le tsela ka moka go ya Lebopong la Bodikela. Ge re eya bokgole bjo bo itšego, re morago Bohlabela gape, le a bona. Kafao re mo bofelong bja tsela.

<sup>59</sup> Re a dumela, bjalo ka Kereke, gore Ebangedi e sa le e nyakile go felela. Re dumela gore batseta ba bagolo go kgabola mabaka ba dirile, ka matšatšing a a mafelelo, mengwaga ye makgolo a mmalwa ya go feta, ba lwetše dilo tše kgolo tše; tokafatšo ka

tumelo, Luther; tlhwekišo, ka Wesley; kolobetšo ya Moya wo Mokgethwa, ka Mapentecostal. Re a dumela gore dielemente tše di ya go dira mmele wa go felela, boka wa tlhago le wa semoya.

<sup>60</sup> Ge lesea le tswalwa ka go itekanelo, selo sa pele ke eng? Selo sa pele se thubegago, ke meetse; selo se se latelago, ke madi; gomme selo se se latelago, ke bophelo.

<sup>61</sup> Johane wa Pele 5:7 e rile, “Go ne ba bararo bao ba beago bohlatse ka Legodimong, Tate, Lentšu, le Moya wo Mokgethwa: gomme ba bararo ba ke batee.” Bona *ke Batee*; o ka se be le Tate ntle le go ba le Morwa, o ka se kgone go ba le Morwa ntle le go ba le Moya wo Mokgethwa. Le a bona, ke Batee. “Eupša go ne ba bararo ba beago bohlatse lefaseng, meetse, madi, le Moya: gomme ba dumelelana ka go setee.” Ga se bona batee, eupša ba *dumelelana* ka go setee. Le a bona?

<sup>62</sup> Bjale, o ka kgona go lokafatšwa ntle le go hlwekišwa; o ka kgona go hlwekišwa ntle le go ba le Moya wo Mokgethwa. Le a bona? Moya wo Mokgethwa ke Bogona bja go dula ka gare ga maatla a Kriste, ka Moyeng. Bjale, re bona gore tlhago e kaya semoya, kafao Kereke e ka kgolong ya yona ya go felelela bjale, tokafatšo, tlhwekišo, kolobetšo ya Moya wo Mokgethwa. Re sa tšo kgabola Mabaka A Šupago A Kereke, kua gae, go kaya seo gabotse.

<sup>63</sup> Gomme, ga lego, a go ne e ka ba mang a kilego a kwa tšona ditheipi go mabaka a kereke? Ka nako ya mafelelo ke bile le mabaka ale a thadilwe ntle fale mo letlapeng, gomme Tate wa Legodimong o a tseba se ke therešo, ge ke e fetša ka bokaone bjo ke kgonnego, ka tlase ga tšušumetšo yeo Modimo a tla mphago, gore Morongwa wa Morena yo le mmonago ka seswantšhong (ba bantši ba bone seswantšho sela, a ga la dira, Seetša sela?), Se tlide thwi tlase ka kamoreng, pele ga e ka ba batho ba makgolotharo goba makgolonne, se ile thwi godimo ka lehlakoreng la leboto (bjalo ka Seetša boka seo) gomme sa thala mabaka ale a kereke ka Bosona. Bohle re eme fale re Se lebeletše, re Se šeditše se thala lebaka la mathomo la kereke, la bobedi, la boraro, le la bone, la bohlano, la boselela, le la bošupa.

<sup>64</sup> Bjale, go na le batho ba dutše mo bao e lego hlatse ya seo. Phagamisetša seatla sa gago godimo ge go le bjalo. Beibele e rile, “Ka molomo wa dihlatse tše pedi goba tše tharo.”

<sup>65</sup> Yo mongwe le yo mongwe a dutšego fale, a goelela le se sengwe le se sengwe gape, ke rile, “Fao! Bjale, le be le nyaka go Se bona, yo mongwe le yo mongwe a ka kgona go lebelela thwi go Sona.” Iri ya lesometee mo mosegareng, ke eme thwi fale mo lebotong, le go thala mabaka ale a kereke, feela Moya ofe o montši, gomme morago leswiswi go bontšha gore Moya o be o kgameletšwe ntle le go ya go kgabola Lebaka la Leswiswi le go tla thwi morago fase gape, feela ka tsela ye ke bilego le yona e thadilwe. Gomme re na le yona, diswantšho tša yona, le se sengwe

le se sengwe se thadilwe, se lekeletše lebotong. Gomme e be e le fao feela tlwa. Go swanetše go ba go bile gore Moya wa Morena o be o kgotsofetše gore seo se feditšwe, gobane O tla morago le go hlatsela gore seo se be se lokile.

<sup>66</sup> Gomme re phela ka go Lebaka la Kereke ya Laodikia, lebaka la kereke la go huma leo le naganago ga ba hloke selo, gomme ga ba tsebe gore ba hlobotše, ba a šokiša, ba foufetše; gomme ga ba e tsebe, le a bona. Bjale, bohole bale, ba kaya.

<sup>67</sup> Bjale, letšatši la go swana le le phadimago ka... le hlabago ka Bohlabela ke letšatši la go swana le le dikelago ka Bodikela. Bjale, a re nong go ema motsotsa go fa molaetša wo. Re a tseba gore letšatši, leo e lego l-e-t-š-a-t-š-i, tshepedišo ya letšatši. Eupša M-o-r-w-a wa Modimo o theogile, ka bohlale bja Modimo le Seetša sa Modimo, ka Bohlabela. Gomme re bile le mengwaga ye dikete tše pedi bjale, go balwa ke Morena, O rile, “Go tla ba nako ye e ka se bego mosegare goba bošego, feela mohuta wa letšatši la leutu; eupša nakong ya mantšiboa go tla ba Seetša.”

<sup>68</sup> Bjale, ge le ka hlokomba, Moya wo Mokgethwa o wetše godimo ga batho ba Bohlabela pele. Morago re bile le nako ya go no tšoena kereke le mafelelo a mannyane go topelwa godimo, le mabaka a mannyane go lwelwa. Eupša morago mo nakong ya mantšiboa, ka go karololefase ya Bodikela, go tla ba Seetša. Gomme re nakong yeo bjale! Tlhabologo e tla bjalo ka moedimogolo go tšwa Bohlabela, e topa sebe nako yohle ge se etla, gomme o thutše Lebopo la Bodikela bjalo ka sethibamodumo, gomme o wetše morago, le lefelo la go senyega kudukudu leo ke tsebago ka lona le lego Lebopong la Bodikela. Eng kapa eng o nyakago go nagana ka yona, ba na le yona, sebe, tshenyego, go hlala, go nyala, Hollywood, ona molete wa hele! Yeo ke therešo tlwa.

<sup>69</sup> Ke dumela go bokgethwa bja Beibebe bja mmapale. Gomme ga ke dumele go dilo tše tša go senyega tše di beago mohlala pele ga batho ba rena, e bitšwago Hollywood. Gomme ka mehla ke be ke le kgahlanong le yona. Gomme ke nagana monna yo a nago le Moya wa Modimo ka go yena o tla ba kgahlanong le yona, ka gobane Moya wa Modimo o tla paka gore “ke phošo” go yena.

<sup>70</sup> Bjale ke nagana yeo ke ye nngwe ya... Re be re fela re eya godimo Paris go hwetša dimotlelara bakeng sa go hlobola basadi ba rena thososo, bjale Paris e tla godimo fa go tšea ya rena. Le a bona? Hollywood e eta lefase pele. Le difešene tša mapona tše re nago natšo tša lehono, mošola ga Fora (e no nagana ka seo!), lela la botagwa, la dintwa, lefelo la boitshwarahlepi, gomme efela Hollywood e feta seo gohlegohle.

<sup>71</sup> Gomme tšohle tša dithelebišene tša rena, se sengwe le se sengwe ba nago naso godimo ga yona ga se sa hlokolwa, feela metlae ya ditšila, le tshenyego ya go bola, e nno phaphasela

ka go se sengwe le se sengwe. Gomme batho, diabolo... Re be re sa dumelele go romela bana ba rena go—go dipontšho tša diswantšho mengwaga ya go feta, rena Mapentecostal a pelepele, eupša bjale diabolo o ngwegišeditše e tee godimo le go e bea thwi ka ntlong godimo ga rena. Le a bona? Kafao o nno tliša pontšho ya diswantšho thwi ka gare.

<sup>72</sup> Bjale, gomme ke—ke se—se selo sa go tšoša kudu go—go nagana gore lefase le tsene ka tshenyegong ye, gobane manyofonyofo ohle, le a bona, gomme a no phephesela ka tsela ye, a tla le tlhabologo.

<sup>73</sup> Eupša nako yohle... ke ya go rera le lengwe la matšatši a, Morena ge a rata, ka matšatšing a se makae, ka *Go Bala go theoga*. Le a tseba, ke—ke a holofela le a dikologa, gomme kafao re—re no bona fale se se diregago. Modimo o kgonne go dira se sengwe ka Kereke ya Gagwe, le yena, nako yohle, le a bona, ge dilo tše di eya pele. Gomme bjale re mo nakong ya bofelo, lebogang Morena!

<sup>74</sup> Lebaka le lengwe le le lengwe le bile le molaetša wa lona le motseta. Modimo o bone go seo. Yo mongwe le yo mongwe... Ebile le ka go mabaka a kereke, re hwetša gore le lengwe le le lengwe le bile le motseta, gomme yo mongwe le yo mongwe o phetše lebaka la bona; gomme yo mongwe a tla ka gare, gomme yola yo motee o ile ntle; gomme yo mongwe a tla ka gare; go ya pele go theoga go lebaka la kereke ya bošupa; naledi ye nngwe le ye nngwe, morongwa yo mongwe le yo mongwe wa kereke, motseta yo mongwe le yo mongwe.

<sup>75</sup> Gomme re hwetša, go lebaka la mafelelo la kereke, godimo ka go Kutollo 10, fao go swanetše go ba segalo sa phalafala, gomme fao go bile digalontšu tše šupa di kwagatšago ka... Ga se a dumelwelwa go ngwala. Eupša e be e tswaleletswe ka lehlakoreng la morago la Puku, mahuto a šupa a be a le ka lehlakoreng la morago la Puku. Ka morago ga ge Puku e ngwadilwe, gona E tswaleletswe morago kua ka mahuto a šupa. Bjale, ga go yo a tsebago se ba lego. Eupša O rile, “Ka matšatšing a morongwa wa bošupa a galagatša pele Molaetša wa gagwe,” yoo ke morongwa wa *lefaseng*, bjale.

<sup>76</sup> Gobane Morongwa *yo* o tlide fase go tšwa Legodimong; gomme *yo* o be a le lefaseng; *morongwa* ke “motseta,” motseta go lebaka.

<sup>77</sup> Gomme ka gona re lemoga gore O beile wa Gagwe... o bile le molalatladi godimo ga hlogo ya Gagwe gomme a phagamiša seatla sa Gagwe gomme a ena ka Yena yoo a phelago go ya go ile le go ya go ile, gore nako e ka se sa ba gona (ge digalontšu tše šupago tše di hlabošitše, mediumo ye šupago e hlabošitše digalontšu tša yona). Gomme O ba boditše, “Le se ke la ngwala, eupša le Le tswale.” Gomme re hweditše e be e le ka lehlakoreng la morago la Puku.

<sup>78</sup> “Eupša ge morongwa wa bošupa a feditše Molaetša wa gagwe, go profeta ga gagwe ga letšatši, gona sephiri sa Modimo se tla fela,” yo mongwe le yo mongwe o a tseba Beibele e bolela seo. “Sephiri sa Modimo, se Modimo a lego, Modimo ke Mang, le tšohle ka ga tsela ka go kolobetšo le dilo, tšeо tšohle di swanetšego go rarollwa ka letšatšing leo.”

<sup>79</sup> Motseta yo mongwe le yo mongwe o bile le molaetša wa gagwe, le mo—mo molaetša le motseta wa lebaka. Gomme go kgahliša kudu gore motseta yo mongwe le yo mongwe... Ebile re hweditše ka go mabaka a kereke (gomme bošegong bjo re tla ya morago ka go Testamente ya Kgale le go hwetša gore ke selo sa go swana) gore Modimo o roma motseta wa lebaka leo bofelong bja nako; ka mehla bofelong, ga se gwa ke gwa ba mathomong. Bofelong!

<sup>80</sup> Bjale, ge lebaka la Luther le nyamaletše ntle, morago Wesley o tsene ka gare. Gomme ge tlhwekišo ya Wesley e nyamaletše ntle, lebaka la Pentecostal le tla ka gare. Le a bona? Ka mehla ke motseta o bula molaetša wo moswa mafelelong a wa kgale. Ke lebaka le lengwe le le lengwe leo le dirilwego. Re tseba seo go ba therešo.

<sup>81</sup> Se se bušeletšwa nako le nako go kgabola Beibele. Re hwetša seo ka go Mangwalo a makgethwa, tsela yohle go kgabola, gore feela bofelong bja lebaka le kgale gomme le leswa le tla ka gare, lebaka leo le a nyamalala gomme lebaka le leswa le tla ka gare, Modimo o roma motseta.

<sup>82</sup> Gomme ka mehla—ka mehla, nako le nako ge motseta a etla, ka mehla ke pitšo morago go Lentšu, ga e tsoge ya palelwa. Elelwang, Ye ke kutollo ya go felela ya Jesu Kriste, fao go ka se kgone go oketšwa go Yona goba go tlošwa go Yona. Ke kutollo ye e feletšego ya Jesu Kriste. Gomme tsela e nnoši re ka tsogego ra ba le kgonthe: ge eba e ka ba eng e tsoga magareng ga rena yeo e lego kgahlanong le kutollo ye, gona ke phošo. Le a bona? “Hlaganelia morago go Lentšu!” Gomme ka mehla go biletša morago.

<sup>83</sup> Gomme ka go taba ye nngwe le ye nngwe ka Lengwalong, taba ye nngwe le ye nngwe, Modimo o šomiša moprefeta go biletša lebaka lela morago, ka mehla. Ga go tlha-... Aowa, ga go neng go palelwa, ka mehla O romela mo—mo moprefeta! Gomme bjale gobaneng A dira seo? Ke ka gobane Beibele e re, “Ke moprefeta yoo Lentšu la Modimo le tlago go yena,” moutolli wa Lentšu.

<sup>84</sup> Bjale, ke—ke—ke a holofela gore ga ke kwešišwe thoko. Le a bona? Ga ke re go se kwešišwe, eupša ke ra go botega le go tshepega go pitšo. Re nyaka go ba seo.

<sup>85</sup> Bjale, Modimo ka mehla o šomiša mo—mo moprefeta, motho. Ge o šomiša sehlopha sa monna, o hwetša dikgopolo tša go fapania; le a bona, motho yo mongwe le yo mongwe, banna ba

babedi. Ga se nke A ba le baprofeta bagolo ba babedi mo lefaseng ka nako e tee. O tsea o tee, gore yo mongwe a kgone go tsea lefelo la lona bakeng sa letšatši le lengwe, molaetša wo mongwe. Ga nke A eba le ba babedi, O ne yo motee mo nakong.

<sup>86</sup> Gomme Modimo mohlokamagomo ga a tsoge a fetola lenaneo la Gagwe, ka mehla O swanetše go dula le se A thomilego ka sona. Ke ka lebaka leo re ka bago le boitshepo ka go se A se bolelago, A ka se kgone go fetoga. Ge A phološitše motho godimo ga motheo wa tumelo ya gagwe ka go Modimo, monna yo a latelago o tla swanelwa ke go phološwa ka tsela ye e swanago.

<sup>87</sup> Ge Modimo a dirile lefelo moo A ka kopanelago le sebopiwa sa Gagwe, Adama o lekile go dira tsela yenamong, gomme o dirile matlakala a mogo bakeng sa gagwe le mosadimogatša wa gagwe, go dira dithethwana. Modimo o e ganne. Gomme Modimo o tšere sephetho go lenaneo lefe goba ke motheo ofe A tla kopanago le motho le go kopanela le yena, gomme ao e be e le madi a tšholotšwego. Gomme ga se nke A e fetola.

<sup>88</sup> Bjale, bjalo ka ge Methodist go Baptist, re ka šikinya diatla tša rena seng. Eupša godimo ga motheo gare ga Methodist le Baptist ga re na le dilo tša go swana, Ke goga bakeng sa Baptist gomme o goga bakeng sa Methodist, goba pele le morago. Eupša go na le motheo o tee moo badumedi bohole ba ka kopanago, woo ke ka tlase ga Madi a tšholotšwego. Fao ke mo re kopanago le go beela thoko dilo tše tšohle. Kafao re ka se kgone bohole go tla ka go mokgatlo o tee, re ka se kgone go dira seo.

<sup>89</sup> Mekgatlo ye mennyaney e, ke nagana gore Modimo o be a le ka go yona, selo sohle. Eupša batho . . . gobane re a fapano. Motho yo mongwe le yo mongwe o bona go fapano, motho yo mongwe le yo mongwe o bona go fapano, ga go menagano ye mebedi e swanago tlwa. Ga batho ba babedi ba swanago ka go felela, ba a tleleima; ga go dinko tše pedi, ga go meraladi ya menwana. Le a bona, re dirilwe go fapano, ka tsela yeo re swanetše go ba le dihlopha tša go fapano.

<sup>90</sup> Eupša Modimo ka mehla o šoma ka motho ka motho. Ga A go phološe ka gobane o Momethodist; ga A go phološe ka gobane o Mobaptist; Yena ga a go phološe ka gore o Mopentecostal. O go phološa ka gobane O mekamekane le *wena* ka sebele! Gomme o phološitše godimo ga motheo woo, gore o e amogetše. Kafao kagona, Modimo, go mekamekana le wena, ga A mekamekana le wena ka tshepedišo ya kereke ya Gagwe, O mekamekana le wena bjalo ka motho ka motho.

<sup>91</sup> Kagona ge Modimo a rometše baprofeta ba Gagwe, batseta ba Gagwe ba Testamente, O boletše le monna yo motee, gomme monna yoo o ile a swanelwa ke go tliša Molaetša. Ba bangwe ba tlogile go yena, mogohle, ba tliša Molaetša wa go swana. Eupša go ile gwa swanela go ba motsemošate o tee. Modimo ka mehla o bile le ona. Ke a leboga O na le wona bosegong bjo; woo ke

Moya wo Mokgethwa, ka nnete, bohole re a tseba. Bjale, e sego seholpha se sengwe, eupša Moya wo Mokgethwa ke Motsemošate wa Modimo. Woo ke Motseta wa Modimo wa iri.

<sup>92</sup> Bjale, ka gore ke yona, go moprofeta yo Lentšu ka mehla le tlago, ge ba le moprofeta wa therešo wa Lentšu, Modimo o hlatsela Lentšu la Gagwe ka moprofeta yola.

<sup>93</sup> Bjale, go bile le baprofeta ba maaka ba bantsi, re bile le bona bohole go kgabola mabaka. Re ya morago go Testamente ya Kgale, go ba bona ba emeleta le go bolela ka Leina la Morena, gomme go be go—go be go se maleba. Modimo o be a ka se be le selo go dira le yona. Ga A ke a hlatsela selo eupša Lentšu la Gagwe Mong. Tsela efe kapa efe, A ka se sepediše kgwebo ya Gagwe ka mokgwa woo. Le a bona?

<sup>94</sup> E nong go elelwa, Modimo o hlatsela feela Lentšu la Gagwe! Gomme feela moprofeta wa therešo ke... Gomme tsela e nnoši o ka kgonago go bolela ge eba ke therešo goba aowa, ke ka Lentšu. Yeo ke tsela ya go mo ahlola.

<sup>95</sup> Bjale ge le ka hlokomela, go swana le matšatšing ge—ge Mika, fao go be go eme baporofeta ba makgolonne ba Bahebere, pele ga Ahaba le Josafate, gomme ba re, "O RIALO MORENA, 'Eya godimo gomme o atlege.'" Motheong ba be ba nepile. Morago Mika o ile a bitšwa go lefelotiragalo, yena yo bohole ba bego ba mo hloile. Bjale, go bonagetše eke ge... Makgolonne (ga—ga ke re baprofeta ba Baalim) baprofeta ba Bahebere ba eme ka mmtero o tee, gomme ba rile, "Eya godimo ka Ramothe-gileada, Morena o tla go šegofatša gomme o tla atlega." Gomme monna bao e be e se baikaketši, ba be ba šušumeditšwe ka go felela! Eupša ya bona...

<sup>96</sup> Ka gona gobaneng moisa yo monnyane yo a etla ka gare ka leina la—la Mika, yo e bego e le morwa wa Imla, gomme a tla morago le go profeta kgahlanong le bona? Bjale, seo se tšere mogalatšhika, go tšere kgodišo. Le a bona? Eupša o tsebile bjang o be a nepile? Ge nkabe o eme fale, o tla e tseba bjang? Tsela e nnoši o ka kgonago go dira, ke go tšea se monna a se bolelagoo le go se bapetša le Lentšu. Le a bona? Bjale, Mika o be a le tlwa godimo ga Lentšu, ka baka la gore Eliya, moprofeta yo mogolo yola yo a bego a na le Lentšu la Morena, o be a sa tšo rogaka Ahaba le Isebele le bohole. Le a bona? Gomme Modimo o be a ka kgona bjang go retologa go dikologa le go šegofatša se thogako e bego e le godimo ga sona? Le a bona, kafao e be e no se kgone go šoma.

<sup>97</sup> Bjale, re hwetša gore Modimo o hlatsela Lentšu la Gagwe. Lentšu la moprofeta, ge a le moprofeta, gona ke... o bolela go ya ka Lentšu. Beibele e boletše ka lefelong le tee, e rile, "Ge ba sa bolele go ya ka molao le baprofeta, ga go na Seetša ka go bona." Ka gona bitša... Nako yeo motseta yo o biletša ntle Babilošwa ntle. O thwi ka Lentšu la Modimo, go netefatša gore o nepile.

Hlokamelang, hlokamelang, bjale re tla biletša baanegwa ba se nene ka gare le go theetša.

<sup>98</sup> Noage o be a le hlatse ya Modimo bakeng sa nako ya pele ga meetsefula. Bjale, lebelelang ka fao molaetša wa gagwe o bego o le kgahlanong le lefase lohle pele ga meetsefula. Gobaneng, monna o be a tšewa go ba monna wa segafa. Gobaneng, la gagwe... Eupša, efela, o bile le tlwa Lentšu la Morena. Bjale, Modimo o be a boletše gore O “be a ka se kgone go kgotlelela sebe,” kafao O... ge batho ba thoma go dira sebe, gona Modimo o tlide fase gomme Noage o rerile molaetša wa nako ya bofelo. E be a le neng? Feela pele ga nako ya bofelo, motseta yo o tsogile. Modimo o rometše pele moprefeta yo ka molaetša bakeng sa nako ya bofelo. Gomme o segilwe, a nyefolwa, a dirwa metlae, gomme feela go phološa lapa la gagwe mong o phološitše. Yeo ke nnete. Ga go yo a bego a tla mo dumela. Eupša o be a ne molaetša wa nako ya bofelo. Bjale, bohole ba bego ba sa dumele ba be ba ahlotšwe, go bona bao ba dumetšego molaetša ba be ba phološitšwe. Modimo o ba file Bophelo gomme ba phološitšwe, go bona bao ba sa dumelago E lahlegile.

<sup>99</sup> Bjale, ke kaya se sengwe. Hlokamelang Modimo, ka fao A dirilego makga a mararo a.

<sup>100</sup> Gomme tharo ke nomoro ya go phethagala ya Modimo. Modimo o phethagatšwa ka boraro, boka, “Tate, Morwa, le Moya wo Mokgethwa,” le “tokafatšo, tlhwekišo, kolobetšo ya Moya wo Mokgethwa.” O phethagaditšwe, gobane *tharo ke* “phethagalo ya Gagwe.” *Tlhano ke* nomoro ya “mogau.” Šupa ke... Nomoro ya “go rapela,” *lesomepedi*. *Masomenne* ke nomoro ya—ya “tlhomaro.” Gomme *masometlhano* ke “megobo,” borapedi. “Pentecost” e ra *masometlhano*. Gomme, matšatši a masomenne Moshe o ile a lekwa, matšatši a masomenne Kriste o ile a lekwa, le a bona. Gomme mehuta yeo yohle. Bjale, Modimo o phethagetše ka borarong.

<sup>101</sup> Go na le ditshenyo tše tharo. E tee ya tšona, ge Noage a ile *ka* arekeng; lekga la bobedi, Loto o tšwetše *ka ntle* ga—ga Sodoma. Šetšang, Jesu o boletše ka bona, “Bjalo ka ge go bile ka matšatšing a Noage le ka matšatšing a Loto, go tla ba bjalo ka go tleng ga Morwa wa motho.” Šetšang! O tee o ile *ka gare*, yo mongwe o tla *ntle*, gomme wa go latela o ya *godimo*. Uh-huh. Le a bona? Uh-huh. O ya *ka gare*, tšwela *ntle*, o ya *godimo*! Bjale, yeo ke tshepedišo ya Morena. Le a bona, Jesu o šupeditše go bona baprofeta ba babedi. “Bjalo ka ge go bile matšatšing a Noage,” le a bona, “gomme bjalo ka ge go bile matšatšing a Loto,” Abraham e le moprefeta, “bjalo ka ge go bile, kafao go tla ba bjalo ka go tleng ga Morwa wa motho.” Le a bona, go šupa morago go bona.

<sup>102</sup> Bjale, Moshe, moprefeta yo mongwe, mafelelong a lebaka la Egepeta. Re hwetša gore ge Modimo a be a eya go lokolla batho ba Gagwe, gomme Baegepeta ba ile ba ba tlaiša gampe kudu, le

go dira bagapeletši godimo ga bona, barena godimo ga bona, a ke re. Gomme kafao gona feela pele ga tshenyego ya bona, Modimo, bjalo ka mehleng, O rometše moprefeta ka Lentšu la Morena. Elelwang, moprefeta o be tlwa a tsebagatša se Modimo (makgolo a mengwaga pele ga fao, makgolonne le metšo a mengwaga pele ga fao) o tshepišitše Abraham, gore peu ya gagwe e tla diilela nageng ye šele, eupša O tla ba ntšhetša ntle ka seatla se maatla. Le a tseba, mo sethokgweng se se tukago ge Moshe a kopane le Modimo, gomme O rile go yena, “Ke kwele dikolomelo tša batho ba Ka, Ke bone ditlaišego tša bona, gomme Ke elelwa kgwerano ya Ka.” Go gopola Lentšu la Gagwe!

<sup>103</sup> Elelwang, O sa elelwa Lentšu la Gagwe! Le a bona? Yena ga a palelwe, O swanetše go dira selo sa go swana nako le nako. Lebaka ke bolelago dilo tše, gore re kgone go e thekga ka monaganong wa gago le go nagana. Le lena batho ba le bego le babja; le hlokometše gore ke rile “be” o babja.

<sup>104</sup> Bjale, hlokomelang bjale, lena batho bohole le swanetše go elelwa se, gore Modimo ga a kgone go fetoga! Yena ke Modimo mosefetoge. Dinako di a fetoga, batho ba a fetoga. Modimo mohlokamagomo, A ka se kgone go fetoga! Wa Gagwe... O swanetše go dula a swana, maabane, lehono, go ya go ile, ka mehla O swanetše go šala. Gomme ge re dumela Le go ba Lentšu la Modimo, re ka bea tshepo ya rena godimo ga e ka ba eng ye A e boletšego. Le a bona?

<sup>105</sup> Bjale, le bona fao ka fao molaetša wa Gagwe o tlago, ka fao A romelago molaetša wa Gagwe. A ka se kgone go fetola seo, ka mehla O e dirile. Yena ka mehla o swanetše go dula a swana. Yeo ke tsela ye ka mehla A tla e dirago. Bjale, elelwang, O e dirile neng? Feel a pele ga tshenyego, feel a bofelong bja lebaka. Moo ke ge A romela molaetša wa Gagwe go biletša batho ba Gagwe ntle, (ka mehla ba a hlakahlakanya), gomme šeba ba a tla.

<sup>106</sup> Bjale, ka matšatšing a Moshe, badumedi ba ile ba phološwa, basedumele ba ile ba senyega.

<sup>107</sup> Yo motee a dumetšego molaetša wa Moshe go tšwa go Modimo, bjale, ba ka be ba se ba e dira ntle le ge Moshe a ka be a hlatsetše ke Modimo le go netefatša gore Lentšu la Modimo le be le na le yena. Seo se mo dirile moprefeta. O ile ntle kua gomme a re, “Gosasa, e ka ba ka nako ye, le tla bona se *sebjalo le bjalo* se direga.” Gosasa, se diragetše. Seo e bile sohle. Moprefeta ofe le ofe wa therešo wa Modimo yoo a bolelago ka Leina la Morena o tla se dira. “Gomme go tla direga gore se *sebjalobjalo* se tla direga. Ke ya godimo go Farao, eupša o tla thatafatša, a ba le pelo ye e thatafaditšwego. O tla re o tla re lesa re sepele eupša a ka se e dire.” Gomme, go diragetše. Le a bona? Gobaneng? Gona batho ba tsebile monna yo o be a romilwe go tšwa go Modimo. Gomme ka gona ba thoma go bona gore Modimo o mo šegofaditše, gomme ba mo hlomphile le, ge ba dirile, dilo tše kgolo di diregile.

<sup>108</sup> Gomme batho ba ba segilego le go dira metlae gomme ba ka se amogele molaetša wa gagwe, ba senyegile le basedumele ka moka.

<sup>109</sup> Eupša badumedi ba ile ntle le go tsena ka nageng ya tshepišo, ba ile ka tlase ga molaetša wo o tloditšwego wa motseta. È be e le molaetša wa tokologo, wo Modimo a tshephišitšego gore O tla tliša batho ba Gagwe nageng ye e elago ka maswi le todì. Gomme e diregile, ka gore Modimo o be a šetše a boletše bjalo, gomme Moshe o tlie gomme o bonagaditšwe bjalo ka motseta wa letšatši leo.

Bjale, seo se e tliša molaleng gabotse go rena.

<sup>110</sup> Go lokile, gona re hwetša gore Moshe o be a tsebagaditšwe ka tshwanelo.

<sup>111</sup> Gomme ka gona ka go phetogo ya lebaka, nako e a tla bakeng sa . . . gare ga molao le mogau. Go ile gwa swanela go tla nako yeo Mesia yo a boletšwego o be a swanetše go tla. Re hwetša gore nako yeo batho ba be ba phetlile molao, ba o dirile ohle ka tlase ga sehlopha se segolo sa selo se sengwe, gomme ba bile le mehuta yohle ya—ya metlwae ya motho, ba e lahletše ka go yona. Mo go fetogeng ga nako go tlie Jesu, Moprefeta yo mongwe, Modimo-Moprefeta.

Bjale, le re, “O be a se moprefeta.”

<sup>112</sup> Beibele e rile O be a le. “Morena Modimo wa lena o tla tsoša Moprefeta wa go swana le nna.” O be a le Modimo-Moprefeta, mo go fetogeng ga nako magareng ga molao le mogau, yoo A boletšego ka yena lebaka la mengwaga ye yohle. Ka morago ga ge A file molao go Moshe, gona mo go fetogeng ga nako, ge A rile e tla dirwa, morago O tla morago go mogau. Gomme O rometše Moprefeta a profeta ka nako. Bjale—bjale, badumedi, O ba kgobokeditše; basedumele ba senyegile ka letšatšing la Gagwe. Bohle ba ba dumetšego go Yena ba pholosítšwe; bohle bao ba sa dumelago molaetša wa Gagwe ba lahlegile.

<sup>113</sup> Seo ke tlwa se se diregilego ka matšatšing a Noage; seo ke se se diregilego ka matšatsing a Loto; seo ke se se diregilego ka matšatšing a mangwe, matšaši a Moshe; seo ke se se diregilego ka matšatsing a Jesu Kriste. Ka gore ba nyaditše molaetša le go senyega, gomme bao ba dumetšego molaetša ba lahlegile . . . goba ba pholosítšwe.

<sup>114</sup> Bjale, bjale, morago go tla lebaka la kereke ka gare. Re phetše morago ka go nako ya Noage, pele ga meetsefula; re tla ka go lebaka la molao; morago ka go lebaka la mogau, kereke. Gomme bjale lebaka la kereke le a fela. Bohle re tseba seo.

<sup>115</sup> Bjale, ge Modimo a dirile *bjalo le bjalo* ka go lebaka lela, ka go mabaka ale a mangwe a mabedi, O swanetše go dula a swana le go dira sa go swana ka go lebaka le, gobane O rile O tla e dira. Ke tla e netefatša mo metsotsong e se mekae, ka Lentšu,

gore O rile O tla e dira. Bjale, A ka se kgone go fetola lenaneo la Gagwe, ke Yena Modimo. Hlokomelang se A se dirilego ka go wona mabaka.

<sup>116</sup> Bjale re tla go nako ya bofelo bja kereke. Seo ke se ke se badilego bošegong bjo:

Go tla ba Seetša nakong ya mantšiboa.

<sup>117</sup> Re bile le nako ye ntši ya leutu, eupša fao go tla tla Seetša. Morwa wa go swana yo a ttilego le go fetola lebaka nako yeo, o tla gape! Seo se ya go ba go tloga lefaseng go ya Letagong. Re tla ya ka go seo. Nako ye nngwe re ile *ka gare*, nako ye nngwe re ile *ntle*, gomme nako ye re ya *godimo!* Le a bona? Go lokile: ka gare, ntle, godimo. Re tla bofelong bja nako. Gomme ga re tle feela, šetše re fihlile. Re mo nakong ya bofelo!

<sup>118</sup> Modimo o hwetša eng ka go nako ye ya bofelo? Modimo o hwetša ka go nako ye ya bofelo feela tlwa se A se hweditšego ka go dinako tše dingwe tša bofelo, gosedumele! Ka mehla O bile seo, Yena, ge A etla, O—O hwetša gosedumele. O hwetša gore lenaneo leo A le beetšego batho fase . . .

<sup>119</sup> Morago kua ka go nako ya Noage, ge ba be ba ka phela ka morago ga ditaelo tša Gagwe, o neetsé dihlabelo . . . Ba tlogile go yona. Ge A etla, O hweditše se, selo sela se šoma ka phošo.

<sup>120</sup> Selo sa go swana A se dirilego ge A etla lefaseng, O hweditše batho le Bafarisei, le go ya pele, ka morago ga molao. Ba be ba dira eng? Go no se be le tlhokofalo ka go yona le gatee, go no ya pele le go e ribolla go kgabola tsela ye nngwe le ye nngwe ya kgale, le “Feelā ge feelā ba tšoenne kereke, gomme seo ke sohle ba se hlokilego.” Gomme seo ke se A se hweditšego.

<sup>121</sup> Gomme seo ke se A se hweditšego gape! O hwetša selo sa go swana, batho ga ba fetoge. Kafao ge A rometše lenaneo la Gagwe gomme batho ba se dumele fao gomme ba senyega, ba le dumetše gomme ba phela, (bjale, go tselā tše pedi), go swanetše go swana ka nako ye. Go swanetše go swana. Aowa . . .

<sup>122</sup> Ka mehla e bile ntwa go motseta go aroganya ya kgale go tloga go ye mpsha. Ka mehla e bile ntwa yela, go—go motseta a etla ka gare go aroganya ya kgale go tšwa go ye mpsha, le ge ka mehla molaetša o swanetše go ba wa Lengwalo, bjale, ka gore o mongwe le o mongwe o boleletše pele gore o mongwe o etle.

<sup>123</sup> Bjale, a re tšeeng, mohlala, Jesu. Go be go le bothata bjang, Yena go tla ka gare le go fetola molaetša go tloga molaong go ya go mogau. Efela Beibele e rile e tla tla ka tselā yeo, “Go tla tla me—me Mesia, gomme sehlabelo sa tšatši ka tšatši se tla tlošwa.” Gomme re a tseba go profetilwe ka baprofeta. A selo se segolo se bilego go Yena go dira seo. Eupša re hwetša gore O e dirile. Gomme yo motee . . . O e dirile ka gobane Lengwalo le boletše, le badumedi ba letšatši leo (bao ba bitšwago badumedi) ka go felela ga se ba ke ba kwana le Yena.

<sup>124</sup> Lebelelang Bafarisei bale, Basadutsei, ba bile le metlwae ya bona beng gomme ga go yo a yago go ba šikinya go tloga go yona. Seo ke se ba bego ba se dumela, mmagobona o be a dumela seo, papagobona o be a dumela seo, gomme rakgolo wa bona, makgolo o dumetše seo, gomme “Moshe o boletše bjalo!” Eupša Moshe wa go swana yo a fago molao o be a le Moshe wa go swana a rile Mothaka yo o tla tla, gomme ba šitilwe go e lemoga gobane ba be ba ne Lentšu la therešo la Modimo ka go metlwae gomme ba tlogetše kokwane ye kgolo ya Lona. Gomme go be go swanetše go ba ka tsela yeo.

<sup>125</sup> Hlokometlang, yo mongwe le yo mongwe o boleletšepele gore yo mongwe o tla tla. Yo mongwe le yo mongwe wa batseta, ka morago ga molaetša, o boleletšepele gore o tla tla. Bjale, eupša batho ka mehla ba tšeа molaetša wa letšatši le ba bilego le lona, ba o beile godimo.

<sup>126</sup> A re e ripaganyeng fase, gannyane nthatana go ya gae, a re lebeleleng Luther. Ge Luther a be a rera tokafatšo ka tumelo, o be a le motseta, morongwa wa lebaka leo la kereke, go lokile, wa Lebaka la Kereke ya Saredi. Bjale, hlokometlang, ge a rerile, o beile Malutheran ka lenaneo. Bjale, ka gona, mo go ile Luther a phatlalatša godimo. Gomme ge Wesley a etla ka gare, Lebaka la Kereke ya Filadelefia, ka molaetša wa tlhwekišo, gabaneng, go be go le bothata go Luther go bona seo. Bona Malutheran ga se ba e dumela.

<sup>127</sup> Gomme ka gona ge Wesley a ba dirile bohle go dula fase go Pilgrim Holiness le Free Methodist, le go ya pele, godimo ga tlhwekišo, gomme mmogo go tlie molaetša wa Pentecostal, gabaneng, go be go le bothata go Methodist go dumela woo. Uh-huh, kgonthe, go bile. Le a bona, ke . . .

<sup>128</sup> Efela yo motee o bolela ka yo mongwe, go bolela ka Mangwalo. Henoge o boletše ka ditshenyo tše di tlago, ka tlhatlogo ya gagwe, Modimo a mo tseela gae; o be a le hlatsi. Abraham o ba boditše ka Moshe. Gomme Moshe o boletše ka Mesia. Le a bona, ba tswelapele ba bolela, yo motee go yo mongwe. Mesia o boletše ka nako ye, a bolela se se tla bago!

O re, “Aa, Ngwanešu Branham!”

<sup>129</sup> Oo, ee, O dirile! A re nong . . . Ke na le Mangwalo a mantši a ngwadilwe fase mo, gomme ke tla no šupa go a mabedi goba a mararo a ona. A re tšeeng Mateo 24. Bjale a re tšeeng Mateo, tema ya 24, gomme re bale se A se boletšego fao se tla direga, ka fao “Ditšhaba di tla tsogago kgahlanong le setšhaba.” Eupša, elelwang, ka gona O ya tlase kua gomme O re, “Bjalo ka ge go bile matšatšing a Noage, le bjalo ka ge go bile matšatšing a Loto, go tla ba bjalo ka go tleng ga Morwa wa motho.” O e boleletšepele, O akanyeditšepele dilo tše di tla direga!

<sup>130</sup> O rile, “Bjale, ge tše tšohle di direga, nako ga se ya be ya ba gona,” le go ya pele. Eupša o rile, “Ithuteng seswantšho sa

mohlare wa mogo, ge e le wo moswa gomme o hloga makala, le mehlare yohle ye mengwe, gona le a tseba gore selemo se kgauswi. Ka mokgwa wo bjalo, ge le bona se se etla go phethega, tsebang nako e kgauwi, ebile mo mojako.” Bjale, ge le bona eng? Mohlare wa mogo o a khukhuša, gomme mehlare ye mengwe yohle e thoma go khukhuša, e be e le leswao. Gomme Israele ka mehla e bile mohlare wa mogo.

<sup>131</sup> Joele ebile o profetile ka yona, “Se mogokong o se šiilego, phatakalala e jele le go tšeela selo fase. Eupša Modimo o tshepišitše, ‘Ke tla bušetša, go rialo Morena.’” Gomme O tla e dira. Eupša pele A ka bušetša seo morago ka go seemo sa sona sa semoya, Kereke ya Bantle e swanetše go tšeelwa ntle. A ka se be le ba babedi ba bona ka nako ya go swana. Bjale, o ka se kgone go dira Mangwalo a kobege ka bowona ka mokgwa woo. Le a bona? Ga se nke A ke a ba le dihlatse tše pedi ka nako ya go swana, dihlatse tše kgolo, gomme ga sa nke A ba—ga sa nke A... Ga A na le Dikereke tše pedi ka nako ya go swana.

<sup>132</sup> Hlokamelang, e... Kereke ya Bantle e swanetše go tlošwa pele, bakeng sa Bajuda, morago bofelo bja dibeke tše Masomešupa tša Daniele bo a direga. Mengwaga ye meraro le seripa Mesia o profetile, gomme morago O ile a ripša, Mokgoma, mo bogareng bja beke ya bomasomešupa. Gomme, gona, go ne dibeke tše tharo le seripa di šetšego bjale. Gomme re hwetša baprofeta ba babedi ba Kutollo (ga nke A fetola jase ya Gagwe gape), ba Kutollo 11, ba tla fase le go profeta go Bajuda. Bjale, Kereke e tla tlošwa ka nako yeo.

<sup>133</sup> Gomme re bona Israele, lekga la mathomo lebaka la makgolo a mmalwa a mengwaga, e nyakile go ba ka godimo ga dikete tše pedi tša mengwaga, bjale e ba setšhaba; madira a gagwe mong, tšhelete ya gagwe mong. Israele e ka go nagalegae; setšhaba sa gagwe mong, folaga ya gagwe, o ka go Ditshaba Kopano. Ke yena setšhaba! Gobaneng, ke le lengwe la maswao a magologolo re ka naganago ka wona, thwi bjale, Israele ka nagalegaeng ya gagwe. Gomme Jesu o rile, “Moloko wo woo o bonago Israele e boela morago go nagalegae ya yona o ka se fete go fihlela tše di phethagaditšwe.” Le a bona, O boletše ka letšatši le.

<sup>134</sup> A ke no fa ye nngwe. Ka go Timotheo wa Bobedi 3, O boletše ka kereke nakong ya bofelo, o rile, “Ba tla ba hlogothata, monagano wa godimo, barati ba maipshino go feta barata Modimo.” Tšeang kereke lefase, godimo, “barati ba maipshino go feta barata Modimo,” ba dula gae gomme ba bogele lenaneo la thelebišene pele ba eya kopanong ya thapelo ka Laboraro bošego.

O re, “Yeo ke Baptist.”

<sup>135</sup> Bao ke Mapentecostal! Nnete! Ee, mohlomphegi. Oo! “Hlogothata, monagano wa godimo, barati ba maipshino”; ba bea Lentšu thwi ka tlase ga nko ya bona, ba ka se Le lebelele.

Uh-huh. "Barati ba maipshino go feta barati ba Modimo"; botša basadi ga se ba swanela go kota moriri wa bona, ba a o kota golebjalo. Uh-huh. "Barati ba maipshino go feta barata Modimo, barobadikwano, babegi ba maaka, basekgotsofale, le banyatši ba bao ba lokilego. Go beng . . ."

O re, "Bao ke baganamodimo." Aowa! Aowa!

<sup>136</sup> "Ba na le sebopego sa bomodimo, eupša ba gana Maatla a bjona," Maatla ao a kgonago go go lokolla go tšwa go tshotlego ye, tshepedišo ya lefase ya bjale. ". . . Maatla a yona; go ba babjalo retologa o tloge." Ga go kgathale se batho ka moka ba se bolelago, ke wena bjalo ka motho ka motho pele ga Modimo, o swanetše go araba. Ga go kgathale se mosadi yo a se dirago goba mosadi yola a se dirago, goba, monna yo o a dira goba monna yola o a dira, goba, moreri yo o re goba moreri yola o re; ke wena le Modimo. "Ba na le sebopego," ka morago ga motlwae, "eupša ba gana Maatla a bjona; go ba babjalo retologa o tloge." A re phela ka letšatšing leo? Ka nnete re gona!

<sup>137</sup> Lebelelang gape ka go lebaka la mafelelo la kereke. Moya wo Mokgethwa, Jesu ka Boyena, "Nna Jesu ke romile morongwa wa Ka go paka dilo tše." Gomme Kutollo, tema ya 3, go bolela ka lebaka le la kereke, Jesu a efa bopaki bja se se tla diregago ka matšatšing a mafelelo, O rile, "Kereke e tla huma, Laodikia, bolelo," a ka no kgona go taboga go dikologa go lekanelo ge mmino o bapala go goeletša. Le a bona? Yeo ke nnete. Eupsa bakeng sa bopaki le bophelo bjoo bo tla hlwekišago, bo kgole go tloga go bjona.

<sup>138</sup> Ga ke . . . Nka se le gobatše bakeng sa lefeela, eupša ke bile le pono e sego kgale go fetile go beng ka Paradeising ya Modimo. Nka se kgone eupša go le botša Therešo. Modimo, re thuše badiredi go botega ka go dilo tše gomme re bolele Therešo!

<sup>139</sup> p Le a bona? ". . . ? . . . go tonya . . ." Beibele e rile ba tla ba ka tsela yeo, kafao ba ya go ba ka tsela yeo. Ge e e rathile go phethagala le Luther, e e rathile go phethagala ka . . . ka go Lebaka la Filadelefia le Wesley, e swanetše go e bolela gomme ya phethagala . . . E e boletše, gomme e tla ba tlwa ka tsela yeo ka go Laodikia.

<sup>140</sup> " "Mohumi, ga ke hloke selo!" Re ka bea dibilione tša ditolara ka meagong, re ka bea se sengwe le se sengwe seo ye nngwele ye nngwe—seo ye nngwe le ye nngwe . . . boithabišo bja lefase, re ka kgona go aga dikereke tše kaonekaone. Seo se lokile, ga go selo, seo se lokile ka phethagalo.

<sup>141</sup> Eupša ke leka go re, gona ge Molaetša o thoma go kgelempuela godimo ga bona, ga ba go nyake. "O lengalatsepa! O lehlanya! O be o swanetše go phela mengwaga ye masometlhano ya go feta." Le a bona? Oo, le ka no nagana gore, "Nka se be le yoo bjalo ka modiša." Ke modiša wa gago, go le bjalo! Isebele o be a ka se tsoge a amogela gore Eliya e be e le modiša wa gagwe,

eupša nnete o be a le. Ka kgonthe o be a le. O be a romilwe, mohlala, motseta go setšhaba sa Israele. Gomme lehono Moya wo Mokgethwa wo boholoka le Lentšu la Modimo ke Motseta go kereke, go ba otlollela ntle le go ba tliša morago go Lentšu. Re bolela ka Lona, eupša ga o bone yo motee a šutha. Uh-huh, le a bona, re dira dilo tše di hlakahlakanego.

<sup>142</sup> Ke kwele yo mongwe, boka ka bopaki, a re, “Mo phagamišetšeng godimo, o Mo phagamiša bjang?” Gomme, oo, e no hwetša diism tše nnyane! Yo mongwe o rile, “Šetšang gomme le rapele, seo se ra go bea leihlo le tee le bulegile ge le rapela, lebelelang ka le lengwe. Šetšang gomme le rapele.” (Gobaneng, šetšang go ra “šetša bakeng sa go tla ga Morena,” gomme o rapele.) Le a bona, e no ba go retollela selo tikologong.

<sup>143</sup> Kagona, ka go seo, re dira eng? Re dira motlxae wo monnyane wa rena beng (gomme gona ge...) ge eba go agilwe ke Modimo goba aowa. Gomme re ya ntle, selo sa pele le a tseba, re na le sehlopha se sennyane se re latela, le go ba gogela kgole go tloga go mmele mogolo wa kereke. Yeo ke nnete. Sebakeng sa go tla ka gare le go rapela le go rarolla selo ntle, le go dumelila mmele go ya pele, re dira dilo tše di agilwe goba aowa. Ge o na le Therešo, gona dula le Therešo. Yeo ke nnete tlwa. Eupša a nke e be Therešo ya Beibele pele! Hlokamelang, ka... lebaka le la Laodikia.

<sup>144</sup> Gomme baprofeta, uh, Moya wo Mokgethwa o bolela ka Paulo, yo a bego a le Mesia. E be e se Paulo, e be e le Kriste! “Modimo, dinakong tša kgale le ka mekgwa ya go fapano o boletše le botate ka baprofeta, mo letšatšing la mafelelo ka Jesu Kriste,” Bahebere 1, hlokamelang, Moya wo Mokgethwa, Kriste, Ebangedi ya go tsengwa go Kriste, Lentšu la go tsengwa go Kriste. Gomme ge eba Le tsemilwe go Kriste, gomme le bonaga... Modimo o tla Le bonagatša go ba Therešo.

<sup>145</sup> Ke ka baka leo lena batho ba Pentecostal le amogelago Moya wo Mokgethwa ka go tumelo ya Method... sefahlego sa tlhwekišo ya Methodist, gobane le be le le tlwa go Lentšu.

<sup>146</sup> Ke ka baka leo lena Mamethodist le tlhwekištšwego ge Malutheran ba se ba dumela go yona, le be le le go Lentšu.

<sup>147</sup> Ke ka mokgwaa wo lena Malutheran le phološitšwego, le lokafaditšwego, gobane motseta wa lena o rerile tokafatšo, gomme a gwabela kereke ya Katoliki ye e bego e le leswao la ohle. Ba nno dumela ka kerekeng; la tla morago go Beibele, gomme le tšere therešo yela ya Beibele gomme la e swara.

<sup>148</sup> Gomme ka gona go latela gwa tla Wesley ka therešo ye nngwe, le go swarelala go yona; go latela gwa tla Pentecost ka therešo ye nngwe, gomme la e swarelala; gona ge le ka kgona go swarelala go seo gomme la bona gore se lokile, gobaneng le sa tše selo sohle seo se netefaditšwego gabotse? Le dumeleng lohle!

<sup>149</sup> Bjale, ge re bona batseta ba, re a tseba gona. Re bona Kriste, Modimo-Mopropfeta yo mogolo a bolelapele dilo tše go direga mo matšatšing a mafelelo. E dira eng? Go tsebiša nako ya puno. Go tsebiša nako gore puno e ya go bunwa, se se tla bago ka matšatšing a mafelelo. Le a e bona?

<sup>150</sup> Bjale, dilo tše di tla ba ka matšatšing a mafelelo. Re tseba mohuta wa puno ye re e lebeletšego. Re lebeletše kereke yeo e kilego ya ba le Seetša, e retologile go tloga go Sona, e ile go matsaka a lefase, yohle e nathile (a yeo ke nnete?), e ya kgole, e tšeela ka gare mohuta e ka ba ofe wa moleloko, le e ka ba eng, gomme e e bitša Mapentecostal, go kolobetša e ka ba eng.

<sup>151</sup> Meetse ga a phološe motho. Go tsea Madi a Jesu Kriste. Ga go na Bophelo ka meetseng. Bophelo bo tla ka go sele ya Madi; go tsea tlhwekišo go hlwekiša bophelo bjola, go bolaya kganyogo ya sebe; morago Moya wo Mokgethwa o tla ka go dibjana tšela tša go hlweka le go di bea thoko ka mošomong, tirelong. Aletara e hlwekišitše sebjana, eupša... go tlatšwa ga sona ke mo go se beilego ka tirelong. Se beetšwe thoko *bakeng sa* tirelo, bjale se swanetše go bewa ka tirelong. Gomme Moya wo Mokgethwa o bea kereke ka tirelong. Ke be ke fela ke rata pina ye nnyane yela:

Ba be ba kopane ka kamoreng ya godimodimo,  
Bohle ba rapela ka Leina la Gagwe,  
Ba kolobeditšwe ka Moya wo Mokgethwa,  
Gomme maatla bakeng sa tirelo a tlie.

Ee. Gomme ka moka ga yona e re:

Se A ba diretšego letšatšing lela  
A ka kgona go le direla go swana. (Nnete.)

<sup>152</sup> Puno; baprofeta; re eme fale go Kriste. Bjale re no ya morago gannyane nthatana.

<sup>153</sup> Jesaya, mopropfeta, ka fao a pakilego, o profetile nakong ya bofelo. O rile, "Mmele ka moka o tla tlala ka dišo tša go phera, tafola ye nngwe le ye nngwe e tla be e tletše mahlatša!" Gobaneng, monna le basadi lehono, ba tsea selalelo, ba phela le basadibagatša ba babedi goba ba bararo, goba bannabagatša ba babedi goba ba bararo, (nnete) mehuta yohle ya... go kgoga disekerete, le dilo tšela tšohle; go tleng ka kerekeng, go tsea selalelo!

<sup>154</sup> Bjale, nka kgona go ya feela ka tlasana gannyane go feta fao, eupša ke tla no leta lebakana, mohlomongwe ga se gwa loka nako yeo. Ke ikwetše feela go lekolwa gannyane go se ke bego ke eya go se bolela. Eupša ke... Le ka kgona go bala gare ga methaladi. Le tseba se Beibele e se bolelago, se dilo tša tlwaelo le go se hlamatsege di lego.

<sup>155</sup> Dilo tšohle tše re di bonago di direga nako yeo, gomme setšhaba...saense e re ke...mengwaga ye mene goba ye mehlano ya go feta, "Ke metsotso ye meraro go fihla bošegogare."

Israele e ka go nagalegaa ya yona. Kereke e ka go Laodikia. Oo, nna! Re lebeletše eng? Bothata ke eng?

<sup>156</sup> Re lebeletše bakeng sa Seetša sa mantšiboa. Oo, ke a makala, ge eba Se tla tla, ge re ka Se lemoga? Goba a Se ka tshela ka godimo ga dihlogo tša rena boka go dirile morago go mabaka a mangwe? Ga se ba ke ba se tseba go fihla se sepetsé kgole kudu.

<sup>157</sup> Le a elelwa, batho bale ba bodumedi ke bona bao ba bolailego baprofeta bao ba rometswego go bona. Jesu o boletsé bjalo. O rile, “Lena baikaketsi!” O rile, “Le botsefatša mabitla a baprofeta, gomme botataweno ba ba beile ka fale gomme morago ba aga lebitla la bona.”

<sup>158</sup> Lebelelang kereke ya Katoliki ya Roma, e kgabišitše lebitla la Mokgethwa Patrick, e kgabiša lebitla la—la Joan wa Arc. Ba bolaile mosadi yola, gomme ba mo tšhumile bjalo ka moloi, gobane o be a le wa semoya, gobane o bone dipono. Ba mo tšhumile koteng, bjalo ka moloi. Mengwaga ye makgolopedi moragwana ba epolotše mmele wa baprista gomme ba ba lahlela ka nokeng, go dira boitsholo, ba tseba gore o be a le mohlanka wa Kriste. Eupša, mo letšatšing, ba be ba sa tsebe o be a le mang, ge kereke e be e feta go kgabola.

<sup>159</sup> Gomme Se tla ya thwi bokagodimo ga batho gomme ba ka se tsoge ba Se lemoga.

<sup>160</sup> Jesu, ba be ba sa tsebe O be a le Morwa wa Modimo go fihla A hwile gomme a bolokilwe le go tsoga gape. A Petro ga se a ba ahlolka ka Letšatši la Pentecost? “Wena monna ka diatla tše mpe o tsere Mokgoma wa Bophelo, gomme o E bolaile, o Mmolaila!”

<sup>161</sup> Oo, tšhupetšo ya go pekenya ye khubedu ya go tla ga Gagwe e fase! Amene! Re bofelong. Amene. Tšhupetšo yela ye khubedu e pekenyago mogohle, mogohle, “Ikabode,” e ngwadilwe godimo. Nako e fedile. Nako e fedile!

<sup>162</sup> Saense e tlide bofelong bja bona. Yeo ke therešo. Ba utolotše se sengwe bjale seo ba ka kgonago go thuthupiša lefase ka moka, yo mongwe le yo mongwe o boifa yo mongwe. Ba mo nakong ya bofelo.

<sup>163</sup> Tlhabologo, e fihlile lefelong batho...ntlhorana e kgelempuela morago. Batho ga ba itshware boka batho ba go hlabologa. A o ka eleletše monna a nyaka go ba lehipi, ka maledu a gagwe a lekeletše fase ka mokgwa *wo*, pemota ya gagwe e hlephisišwe mathekeng a gagwe, a sepampa go theoga jarata ya sekolo ka mokgwa *woo*? Bohlale bja lefase bjo bo tlago ka morago ga se, ge fao go sa le gape ka bjona, ba tše basetsana ba bannyane ba mengwaga ye lesomenne ntle, bona ntle mokgotheng.

<sup>164</sup> Lehono, ka motheleng wa ka, fale go letše mme ntle fale a se ne diaparo tše dintši go phepha šotekane ya maskete, gomme monna wa gagwe a robetsé ntle kua ka tsela ye e swanago, le

phefo yela ya go tonya. Ba nagana mmele wa bona o botse kudu ba swanetše go o laetša. A ga le lemoge gore ke diabolo? Yeo ke nnete. Go hlobola diaparo tša bona thososo, feela segaswi bo dira seo. Madira o e dirile ka gobane o be a gafa. Hlokamelang! Gomme re na le seo, eupša se bitšwa “setaele,” se se bitšwago “sebjalebjale.” Re se bitša “Diabolo!” Ke na le Beibele go netefatša gore ke diabolo. Ke go swarwa ke diabolo, go swarwa ke matimone (e sego kgatelelo). Go swarwa, o go swere! Yeo ke nnete. Ba botše ka yona? Ba tla phatloga. Ga ba nyake selo go dira le Yona! Aowa, mohlomphegi. Ba na le dikgopololo tša bona beng, ka gore mošareng wa bona ba ya go bona ga se nke ba o kgala. Kganyogo ya thobalano e šoma ka dikolong le ka dikerekeng, gomme badiša ba boifa go e kgalema, ga se gantsi kudu ka eng kapa eng.

<sup>165</sup> Ke kwele modiredi letšatši le lengwe, o rile, “Ge ba utolotše dilo tše bolou tše bakeng sa mahlo, le—le dipounama tše khubedu, ba dirile lefase le lebotsebotse.” Modiredi wa Ebangedi, ka phuluphithing, o tla dira tshwao ye bjalo ka yeo, o nyaka leeto go ya Khalibari. Thwi. Yeo ke nnete tlwa, ge Beibele e ahlol!

<sup>166</sup> Gomme sehlopha sa Pentecostal se boditše kgaetšedi gore (a etla lefelong, a lla) ka gore o be a na le moriri wa gagwe o dirilwe godimo ka morago ga hlogo ya gagwe, ka moriri wo motelele, ba rile, “Thaere ya gago ya sephere e ka no phohlišwa.” Ba rile, “O swanetše go ripa moriri woo, ka gore Beibele e boletše gore o be a . . . ka go Jesaya, tema ya 5, o bile le dithaere tša ntikodiko boka ngwedi.” Bjale, Beibele e ka kgona bjang go bolela gore “mosadi o dira selo sa go se tlwaelege,” ga a swanelwa go phela le yena ge a ripa moriri wa gagwe, o netefatša gore o nyatša hlogo ya gagwe, gomme ka gona moriri wo motelele. . . ? . . O ka kgona bjang go dira Beibele e bolele se sengwe boka seo? Gabotse, bothata ke eng ka basadi ba rena ba Pentecostal? Le bone thelebišene kudu! Le bone bontši bja lefase kudu, gomme e sego go lekanelo ga Lentšu la Modimo go le kgahlago. Bjale, Beibele e boletše seo. Seo ke se Beibele e se boletšego. Yoo ga se nna, bjale, yeo ke Beibele!

<sup>167</sup> Oo, maatlakgogedi a thobalano! Mohumagadi o rile go nna e se kgale, ke be ke eya pele mabapi le bona ba apere dišothi tše, o rile, “Ke—ke apara dileka.”

<sup>168</sup> Ke rile, “Seo se befile kudu.” O . . . Beibele e boletše bjalo. A ka se kgone go fetoga.

<sup>169</sup> Le re, “Yeo ke Baptist.” Bao ke Mapentecostal. Ke bolela le lena. Yeo ke nnete. Yeo ke therešo.

<sup>170</sup> Eupša bothata ke eng? Bothata ke eng? Yo mongwe o hlephišitše dithapo felotsoko. Moreri mogwera wa ka wa kgale o be a fela a re:

Re hlephiša mapheko, re hlephiša mapheko,  
 Re itšimeletša ka sebe;  
 Re hlephiša mapheko, dinku di tšwela ntle,  
 Eupša dipudi di tsene bjang ka gare?

<sup>171</sup> Bothata ke eng? Ge le hlephiša mapheko, mapheko a Lentšu la Modimo! Elelwang, e be e le lenaneo la Modimo go hlamiša Kereke ya Gagwe ka Lentšu la Gagwe, mo mathomong.

<sup>172</sup> Gomme ge Efa a file mabaka le go re, “Gabotse, bjale, a ga e hlake, nka no phela gabotse bjalo ka ge ba . . .?” Aa! Seo se e dirile.

<sup>173</sup> Gomme seo ka mehla se e dirile. Ke ka baka leo a ganeditšwego go ba moreri. Le a bona, e no hlephiša mapheko. Fao ke moo (kereke) medu ya bjang ya yona e phaphašitšwego ntle, ka go Pentecost, gomme bjoo ke medu ya bjang. Ga go na Lengwalo bakeng sa yona. Le a bona? Bjale, o dira eng gona? O hwetša togotogo ya go swana yeo o nago le yona morago fale ka Edene. Hlokamelang, bjale, ka gona ge re etla go Lentšu, le bolela ka Lona . . .

<sup>174</sup> Ga go yo a ka emelanago le Leo! Ke hlohlala mang kapa mang go e bolela. Ke rerile ka *Peu Ya Sephente*, ba bantši ba phatlogile ka yona. Ke kgopetše monna tsoko go tla go ntebanya tlase ka go yona. Ga ke ba hwetše.

<sup>175</sup> Ka Chicago e se kgale botelele, le swere ditheipi, ba naganne ba ntshwere ka go se sengwe. Ba bile le ka moka Greater Ministerial Association of Chicago, Ngwanešu (Ke eng?) Tommy Hicks, Ngwanešu Carlson o be a le fao. Gomme mašego a mabedi pele ga fao, Morena o ntsošitše bošego, a re, “Eya go ema kgauswi le lefastere lela.” Ke ile, gomme go be go tšutla. O rile, “Bjale, ba go beetše molaba.” O rile, “Mo difihlolong tše, o se boife. Eya pele, Ke tla ba le wena.” Bjale, se se Leineng la Morena. O ka kgona go ba botšiša le go hwetša ntle. E godimo ga ditheipi, go boleletšwepele pele ga nako: O rile, “Bjale, o se ke wa boifa go ya, eupša eya o eme,” o rile, “Ke tla ba le wena.”

<sup>176</sup> Gomme letšatši le le latelago ke kopane le Ngwanešu Carlson, hlogo ya lekala kua, le Tommy Hicks. Gomme O mpoditše ke tla kopana le bona gomme re tla ya lefelong le le bitšwago “Town and Country” bakeng sa difihlolo. Ke dutše fase fale feela tlwa. Ke rile, “Ngwanešu Hicks, o ngaka ya bokgethwa gomme re ya go kopana le sehlopha se segolo sa badiredi mo, mokgatlo wa bona wa Chicago, gobaneng o sa ye le go mpolelela? Ke go diretše dilo tše dintši.” Ke be ke no mo leka.

O rile, “Oo, nka se kgone go dira seo, Ngwanešu Branham.”

<sup>177</sup> Ke rile, “Gabotse, gobaneng o sa ye pele?” Ke rile, “Ke tla go direla e ka ba eng, bjale gobaneng o sa no ntirela seo?”

<sup>178</sup> O rile, “Oo, nka se kgone go e dira, Ngwanešu Branham. Ba ka se eme tse bakeng sa seo.”

Ngwanešu Carlson o rile, "Aowa, ba ka se ke."

<sup>179</sup> Ke rile, "Le a tseba gonganeng." Ke rile, "A nke ke go botše se sengwe, ke ka lebaka la gore lena, bobedi bja lena, le tseba gore ba na le molaba wa potšišo o beetswego nna." Gomme ke rile, "Le e hweditše." Bjale, ye e godimo ga theipi. Ge le nyaka theipi, re ka kgona go ba le yona. Gomme le tseba monna bohole ba. Kafao ke rile, "Bošego pele ga bja go feta, ke bone pono gore re tla dula fa mosong wo gomme Tommy o tla gana ye." Ke rile, "Bjale šetšang, wena o . . . o na le kamora yela ya hotele e rentile."

"Ee."

"Rente e lefetšwe."

"Ee," Ngwanešu Carlson.

<sup>180</sup> "Eupša ga o ye go e boloka. Seo ke O RIALO MORENA!"

"Gobaneng?"

<sup>181</sup> "O ya go ya ka lefelong tsoko le lengwe. Yeo ke—yeo ke kamora ye tala; re ya ka kamoreng ye tsothwa. Ke ya go ba khoneng; Ngaka Mead o tla dula go le letona la ka; gomme modiredi yola wa kgale wa lekhala le mosadi wa gagwe ba tla dula godimo fa go la nngele," feela ka tsela ye go tla bago ka mokgwa woo. Gomme ke rile, "O šetše bjale, e no tla mmogo. O bone Modimo a fodiša balwetši, Mo hlokomele ntweng nako ye nngwel!" Ke rile, "Yena ke yo mogolo, wa go kgahliša." Ke rile, "E no šetša dipotšišo gomme o bone ka fao go homoditšwego."

Gomme ge re fihla kua mosong wola . . .

<sup>182</sup> Ge o nyaka theipi . . . Jim, o e swere, a ga se wa e tliša? Thwi fa, thwi fa, le ka ba le theipi ge le e nyaka, mo kopanong.

<sup>183</sup> Ke rile, "Le na le eng kgahlanong le nna? Bothata ke eng ka lena baisa?"

<sup>184</sup> Ngwanešu Carlson o rile, "Gabotse, Ngwanešu Branham o mpoditše matšatši a mabedi a go feta gore re tla ba . . ." Gomme ga se ba hwetsa moago, ba o khantshetše. Ga se ba kgone go ba dumelela go ba le yona gobane sehlopha tsoko sa mmino se e hweditše gomme ba be ba sa tsebe gore ba bile le peeletšo godimo ga yona, ka gona ba ile ba swanela go khansela Banna ba Kgwebo. Gomme go molaleng le kwele molaetša wa yona, Ngwanešu Williams mo, le mo, gape. Gomme—gomme—gomme o rile, "Ngwanešu Branham o mpoditše tlwa moo motho yo mongwe le yo mongwe a tla bego a dutše, gomme o mpoditše tlwa se se tla diregago." O rile, "Selo se tee," o rile, "ke . . . bontši bja rena re ka no ganetšana le Ngwanešu Branham go Molaetša wa gagwe, eupša," o rile, "re tla swanela go amogela selo se tee, ga a boife go Le bolela," kafao—kafao gona o rile, "ntle le poifo le Lona." O rile, "Bjale, ke wena yo, Ngwanešu Branham."

<sup>185</sup> Ke rile, "Bjale, pele re thoma, Ke nyaka monna tsoko, ka se sengwe seo ke se boletšego, go tšea Beibele yela le go ema fa

hleng le lehlakore la ka.” Gomme seo e bile sehlopha sa setu kudu o kilego wa se kwa. Ke rile, “Gona, ge le sa kgone go e thekga, gona tlogelang mokokotlo wa ka! Ee. Banešu, ke mo go bea magetla a ka le lena, eupša re swanetše go tla morago go dintlha tša Beibele.”

<sup>186</sup> Ba rile, “Gobaneng o sa—gobaneng o sa tlogele bona basadi? Oo, ya, o . . . batho ba go dumela go ba m—m mmoni wa Modimo.”

Ke rile, “Ga se nke ka bolela seo.”

<sup>187</sup> O rile, “Eupša batho ba dumela seo.” O rile, “Gobaneng o sa—gobaneng o sa tlogele bona basadi?” O rile, “Gomme tlogela go ba botša ka tsela ye ba swanetšego go apara le go ripa moriri wa bona le dilo tše ba swanetšego go di šomiša. Gobaneng o sa ba gomele? Gobaneng o sa ba rute ka fao ba ka amogelago dimpho le—le go dira se sengwe bakeng sa letago la Modimo?”

<sup>188</sup> Ke rile, “Nka kgona bjang ka lefaseng go ba ruta dipalontshetshere mola ebile ba sa ithute diABC tša bona?” Yeo ke nnete. O swanetše go tla morago go motheo go thoma.

Modimo, eba le kgaogelo go rena bjale. Ee, mohlomphegi.

<sup>189</sup> Ke rena ba, nako ya bofelo! Lebone le lehubedu tlase, le a pekenya! Go tla ga Morena go batametše. Ee, mohlomphegi. Theetšang! Molaetša wa nako ya bofelo o swanetše go kopana le maemo a nako ya bofelo. Moo ba fapogilego, Molaetša o swanetše go e tliša morago. Ka mehla, Molaetša wa nako ya bofelo o kopana le maemo a nako ya bofelo. Tsela yohle go kgabola Lengwalo. O tla swanela go e dira nako ye, pitšo morago go Lentšu la setlogo. Oo, nna! Go swana le ka mo batseta ba bangwe ba dirilego letšatšing, Molaetša wo o tla swanelwa ke go swana. Re tshepišitšwe seo! Modimo o se tshepišitše ka go Lentšu la Gagwe! Maleaki 4, e rile e tla direga, “Le go bušetša Tumelo ya bana morago go botate.” O e tshepišitše, gomme re phela ka go letšatši leo!

<sup>190</sup> Oo, ka mehla go bile, nako le nako, sehlopha sa baetapele seo se hlakahlakanyago batho. Ga se bontši kudu batho; ke baetapele bao ba ba hlakahlakanyago. Bjale a re . . .

Le re, “Oo, Ngwanešu Branham!”

<sup>191</sup> Gabotse, bjale, motsotsa feela bjale, re swanetše go dira se go ya ka Lengwalo. Ge e se Lengwalo, gona ga sa loka. Ka mantšu a bona a bohlale, ka go boetapele bja bona bja go se šušumetšwe, mantšu a bohlale bja lefase, ba . . . Gobaneng, go na le ba bangwe ba dihlalefiphetelela ba ka kgonago go bea tšeо mmogo, eupša le nagana gore Sathane ga se sehlalefi go yona, le yena? A ga se a ke, gabotse, a batamela Jesu Kriste gomme a Mo fa lebaka, gomme ebile o tsopotše Lengwalo go Yena? O e dirile! Ke sehlalefi go yona. Eupša Jesu ga se nke a ngangišana le yena, O rile, “Go ngwadilwe, gape! Tloga morago ga Ka, Sathane.” Ee, boetapele bja go se šušumetšwe.

<sup>192</sup> Lebelelang Kora, ka matšatšing a ge Modimo a rometše Moshe ka molaetša, gomme Kora le Dathane ba naganne, ba tlide godimo go Moshe, gomme ba re, “Bjale, motsotso feela, o tsea bontši kudu go wenamong! O nagana gore o leswikana le nnoši godimo ga lebopo; lepidipidi ka go mogobe, ke wena yo motee a nnoši. Ke tla le dira le tsebe go ne batho ba bangwe ba lego ba bakgethwa, le bona!” Moshe ga se a ke a re ba be ba se ba bakgethwa. Eupša o bile le thomo, o ile a swanelwa ke go e rwalela ntle. Gomme ba kgatlofaditše sehlopha gomme ba be ba etla kgahlanong le Moshe.

<sup>193</sup> Gomme Modimo o mmoditše, “Eya go ema mošola ka lebating.” Monna yola o bile le moruswi ka seatleng sa bona, gomme le tseba se moruswi wola o tla go se dira. Modimo o butše lefase gomme la ba metša. Gomme ba be ba na le mollo go tšwa aletareng, ka go wona. Ka mollo ka go moruswi, wa motheo bjalo ka ge o bile, ba šitilwe go lemoga molaetša.

<sup>194</sup> Modimo o rile, “Ke roma wena, Moshe, tlase kua go dira se. O ba tliša godimo mo.”

<sup>195</sup> Le a bona, ba šitilwe go e lemoga. Moshe o be a “otlologile kudu” le bona. Go swana le ka fao Eliya a bego a le, go Sekolo sa Baporofeta, “thwi kudu,” o dutše le Lentšu.

<sup>196</sup> Ke seo lena batho ba Pentecostal, le ile la swanela go ikaroganya lenabeng go tloga go lefase ka moka, go otlologa le Lentšu. Bjale le se ke la timelela morago ka go sona selo seo le tšwilego go sona, le a phaphamala! Le se ke la ripa kgwaparetšo ya lena go tloga Khalibari. Swarelelang go Lentšu la Modimo, ka gore “Godimo ga leswika le Ke tla aga Kereke ya Ka,” dulang le Lona.

<sup>197</sup> Bjale, Dathane le bona ba naganne ba be... go ka kgona go ba monna yo mongwe. Le a bona, bjoo ke bohlale bja motho bo leka go lahlela dikgopololo tša bona ka polaneng ya Modimo. Bjoo ke bjo bobotse. Bohlale bja motho bo leka go lahlela dikgopololo tša bona ka go Lentšu la Modimo. E ka se šome! E ka se šome. Ga se nke ya ke ya šoma gomme e ka se tsoge ya šoma.

<sup>198</sup> Lebelelang Jesu ge A be a eme fale, o rile, “Ke mang wa lena a ka go Nkahlola ka sebe? Ke ofe wa lena a ka go bontšha gore ga se Ke dire tlwa se Mangwalo a rilego ke tla dira? Ke tteleima go ba Mesia. Gomme ge Ke sa dire mediro ya Tate wa Ka, gona le se ke, le se Ntumele. Eupša ge Ke dira mediro gomme le ka se kgone go Ntumela, dumelang mediro ye Ke e dirago, e paka ka Nna.” Tlwa. Gomme ga se ba kgone go e dumela, ba nyakile ditsela tša bona beng.

<sup>199</sup> Ba ka no se re go dira se le go ba phošo. Ga ba re... Ga ke dumele gore monna o ra go dira seo. Ke hwetša batho ba bakaone ntle ka go dikereke tšela tše kgolo tša kerekela. Ke hwetša monna yo mokaone. Eupša go bjalo ka ge ramolao a boletše mo seyalemoyeng, ba etla tlase fa, “Selo sa go tlaba, gore ka fao

banna ba baruti ba bego ba kgona go ema phuluphithing, le go bona dinako tše di etla, gomme ba se hwetše kgalefo ya bona ya go loka e hiduegile godimo, ya dibe tša lefase!” Gomme ge ramolao a swanetše go ema le go bolela seo! “Gomme ka fao maloko a kgonnego go šomiša tšelete ya bona go mehuta yohle ya dirapa tša diphoofolo le diphaka, le dilo, gomme ba se thekge ka tšelete lenaneo la baromiwa, go tšeela lefase Ebangedi.”

<sup>200</sup> Ge baromiwa ba tlala, ba se ba rwala dieta dinaong tša bona . . . Haleluya. Ga go kerekeleina go ba thekga, ka lebaka la, boemo bja bona bakeng sa Lentšu la Modimo. Ga go selo go ba thekga. Le ba tliša ka se sengwe go ba thekga godimo kua, gona ba na le eng? Sehlopha se segolo sa thutotaelo. Wa kgonthe, moromiwa wa therešo, maswao a latela, o swanetše go ithekga ka mosadi tsoko wa go hlatswa go ba bolokela dipeni di se kae. Hlokombelang, šeo yona.

<sup>201</sup> Ba ka no se re go dira . . . Gabotse, eupša bothata ke eng ka bona? Ba foufetše. Jesu o boletše bjalo. Elelwang, elelwang, Jesu o boletše selo sela sa go swana. Gomme go bonala eke, lehono . . .

<sup>202</sup> Bjale theetšang, ke a holofela ga ke swaswalatše. Ge o dira therešo o se—o se ikwele ke a swaswalatša. Ke no leka go . . . Ke—ke rata . . . Gomme ge le sa . . . Ke—ke fišega ka Kereke. Ye, go molaleng ke kereke ya Assembly of God, goba e ka ba eng e lego yona, goba—goba ga—ga ke tsebe gore ke eng. Seo . . . Ga se dire phapano ye e itšego go nna. Ke kereke ya Modimo. Seo ke se e lego sona, ke a dumela, ke kereke ya Modimo. Gabotse, bjale, bohole re swanetše go ba seo, e sego kerekeleina kereke ya Modimo, eupša re swanetše go ba Bakriste ka pelong. Church of God e dula ka gare ga maboto, e sego leina, go ya pele.

<sup>203</sup> Bjale, lehono ke bontši kudu go se, gore boleloko ke sohle seo bo balwago go batho. Bjale, lebelelang Baptist e na le tsošeletšo. Oo, ba bile le ye tee. Ba bile le selokene ka '44, “Milione bontši ka '44.” Melaetša ya Billy Graham e eya pele. Gobaneng, nnete, e dirile selo se segolo. Mamethodist, Mabaptist, Presbyterian, e bile selo se segolo, eupša re na le eng?

<sup>204</sup> Jesu o rile go Bafarisei, “Lena baetapele ba difofu. Le dikologa mawatle go dira mosokologi o tee, gomme ke ngwana wa hele gabedi go feta a bile ge a thoma.” Gomme seo ke se re nago le sona lehono.

<sup>205</sup> Billy Graham, ge ke tsenetše difihlolo tša gagwe ka Louisville, Kentucky, o tlie godimo kua, ka go tia boka moebangedi a be a le, o rile, “Ke ya . . . Paulo o rile . . . Mohlala šo.” O rile, “Paulo o ile ka toropongkgolo gomme a dira mosokologi yo motee, o boile morago ngwaga moragwana gomme o bile le masometharo go tšwa go yola.” O rile, “Ke ya ka toropongkgolo le go dira basokologi ba dikete tše masometharo, gomme ka bowa morago mo ngwageng gomme ga ke kgone go hwetše masometharo.” O rile, “Bothata ke eng?” Gomme ke

ratile go batamela ga moebangedi. O ntšheditše monwana wa gagwe ntle kua, e ka ba makgolotharo a banna ba dutše fale, o rile, “Ke lena sehlopha sa dibodu sa bareri.” O rile, “O dula ka ofising le maoto a gago godimo ga teseke, gomme wa leletša monna godimo mogaleng, le go mo kgopela go tla tlase le—le go tšoena kereke ya gago. O swanetše go ya go mo etela.”

<sup>206</sup> Ke dutše fale, ka gopola, “(O Modimo!) O a tseba, Moebangedi Billy, o monna yo mogolo. Ke nna—ke nna mohlokatsebo. Eupša a nke ke go botšiše se sengwe.” Ke dumile ge nkabe ke kgonne go retologa go dikologa le go bolela se; eupša ke—ke—ke duma ngwanešu, ke nagana ke mohlanka wa Modimo. Eupša ke tla no rata go bolela se, “Gona, Billy, ke mohuta ofe wa moreri Paulo a bilego le yena go latela godimo wa gagwe?” Go diregile eng? Paulo ga a no mo tlogela go phagamišetša seatla sa gagwe godimo go dira sephetho, o mo tšeetše pele go kolobetšo ya Moya wo Mokgethwa, o tšhumile soulo ya gagwe, gomme ga se a kgona go itshwara.

<sup>207</sup> Seo ke se e lego bothata lehono, ke boleloko. Ee. [Ga go selo lefelong la theipi—Mor.] . . . maloko, boleloko bjo bogolo, ditlelase tše kgolo tša sekolo sa Lamorena, lefela dimpho go yo mongwe yoo a ka kalatšago le go tliša yo mongwe gape go tšwa kerekeng ye nngwe godimo, yo a nago bontšintši. Le a tseba, bjoo ke Bofarise! Gomme ka gona re dira boikgantšho bjo bogolo ka yona, “Re ba phadile Lamorena la go feta.” Ge o fihlile lefelong moo o swanetšego go dira kereke ya Modimo lebelo la magotlo, gona ke nako go tswalela mabati le go ya gae.

<sup>208</sup> Kereke ya Modimo ke athekele ye e phelago ya Modimo lefaseng, e bonagatša Jesu Kriste. Ke a tseba Ga se gwa tlwaelega, o ka se letele go ba. Re letela go ba gabotse.

<sup>209</sup> Dira boikgantšho bjo bogolo ka yona . . . Eupša, a le be le tseba, mašata a magolo ga se a ke a ama moprofeta Eliya. O kwele mollo le muši o feta, le medumo le magadima, le madi le oli, le se sengwe le se sengwe gape, ga se nke sa mo tshwenya. Le a tseba, Amerika ka mehla e lebeletše selo se sengwe se segolo ka lešata le lentši ka go sona. Eupša Modimo ke “Segalontšu se sennyane sa go homola” seo se gogago moprofeta.

<sup>210</sup> Le a tseba, karikana e kile ya ya ntle ka tšhemong, gomme e be e kgehlemana, e dira lešata le lentši ge e ile ntle ka tšhemong. Gomme ge e etla morago, e tla godimo ga dipampara tša go swana gomme ya se tsoge ya dira lešata la nthatana, e be e laišitšwe ka dilo tše botse. Le a bona? Ya.

<sup>211</sup> Eupša re thekgile boitemogelo bja rena godimo ga sehlopha sa lešata. Re ka kgona bjang go dira seo? Re ka kgona bjang go dira dilo tše ka mokgwa woo? Oo, nna! Gomme morago go kgorametša matsaka a Hollywood ka gare, ra ba le basadi godimo ga phuluphithi, ka diaparo go swinelela kudu le go

lebega thobalano, ba bina ka moy. Ga ke tsebe ke mohuta ofe wa moy o lego!

<sup>212</sup> Ga ke re go swaswalatša bjale, nna—nna ke—nna ke... Ke—nna ke a le rata. Ge ke sa dire, gona Modimo o tla nkahlola ge ke na le maikemišetšo a mangwe ntle le ao. Le a bona?

<sup>213</sup> Eupša le hwetša seo, le a bona. Fao ke mo Mapentecostal ba hlehletšego go ya gona. “Re na le bontši go feta ngwanešu mo khoneng a bilego.” Oo! “Re na le bontši go feta Assemblies, ka gore ke rena Oneness, goba ke rena Matrinitarian, gomme ke rena...” oo, se, seo, goba *se sengwe*, ohle—ohle maswao a go fapanā ba nago le ona, le a bona. Oo, ngwanešu, seo ga se re *seo* go Modimo. O mekamekana le motho ka motho. Nnete.

<sup>214</sup> Hlokamelang, mašata a magolo, eupša ga se a ke a goga moprofeta. Moprofeta ga se a kgathale ka mašata a magolo. Eupša ge a kwele Segalontšu se sennyane sela sa go homola, o tsebile gore e be e le Lentšu, yena o širile sefahlego sa gagwe gomme a tla a sepelela ntle.

<sup>215</sup> Le a tseba, letšatši le ka kgona go goga meetse a mantši mo metsotsong ye lesometlhano, ntle le lešata e ka ba lefe le gatee, gomme re... bontši segal-... gomme re dira lešata le lentši go ga kalone ya meetse go feta letšatši le dirago diparele tše milione. Yeo ke nnete. Ka mehla re lebeletše se sengwe seo se nago le bontši bja “dihuree,” le bontši bja boradia go sona. Gomme ge go etla tlase go ntlha ya go tsea Lentšu, gona šefa go tla selo godimo. Le a bona? Etla, gomme ba re, “Gabotse, šegofatša Modimo, ke a go botša...”

<sup>216</sup> Ke kopane le monna fa e sego kgale... Ga ke bolele se go nyefola, hle ntshwareleng ge eba ke... go nagana ga ka ke go se dira go nyefola. Ke be ke le kopanong ya tente gomme, modiredi, modiredi wa Pentecostal o tlisitše mosadimogatša wa gagwe godimo go raloka piano. Gomme ge a ntsebiša go mosadimogatša wa gagwe, ka potego, gabotse ke ile ka nyaka go idibala. Mosadi o bile ka kgontha le moriri o mokopana, o tatagane, gomme o bile le a magolo, mangina a magolo, le manekure wa go lekanela godimo ga dipounama tša gagwe, goba e ka ba eng selo se lego, manala a menwana a pentilwe. Go lebega o ka re o be a... A be a lebega go šiiša; a magolo, manala a matelele, le ka mokgwa woo. Le go lebega thobalano; ye nnyane, ya nthatana, roko ye kopana godimo, ebole o be a sa kgone go e bea godimo ga matolo a gagwe ge a dutše fase. Gabotse, ke eme fale gannyane nthatana, gomme ke rile, “Ngwanešu, a nka gobatša maikutlo a gago ge eba ke bolela se sengwe?”

<sup>217</sup> O rile, “Gobaneng, ka kgontha aowa.” Monna yo mobose, gomme o bonagetše go ba mosadi wa go loka.

Ke rile, “A o re mosadimogatša wa gago ke mokgethwa?”

O rile, “Ee.”

<sup>218</sup> Ke rile, "Swarela tlagišo, eupša o lebega boka 'ga go' go nna," Ke rile, o a tseba, "goba se sengwe boka seo." Ke rile . . .

<sup>219</sup> O rile, "O ra eng, Ngwanešu Branham?" "Oo," o rile, "ke wena wa sekolo sa kgale."

<sup>220</sup> Ke rile, "Ke nna wa sekolo sa Lengwalo. Yeo ke nnete, sekolo sa Lengwalo." Ga ke dumele gore mokgethwa o dira ka mokgwa woo, ke no se kgone go e dira, ge Beibele e e ahlola bjalo. Le a bona?

<sup>221</sup> Go lokile, go bonala, nako le nako, se sengwe le se sengwe re kwago ka sona, "ba bile le diphetho tše masomenne," "diphetho tše masomenne nne," "re bile le diphetho tše makgolotharo." Gabotse, bjoo ke boipolelo. *Maipolelo* ke "matlapa." Yeo ke nnete, gobane Petro, godimo ga boipolelo bja gagwe, o biditswe "letlapa, leswika le lennyane." Petro, boipolelo bja gagwe. Bjale, matlapa a lokile, eupša ke botse goba boleng bofe letlapa le lego go moago ge go se moagi wa therešo wa letlapa fale ka sedirišwa sa ntlha sa Lentšu go ba kgera le go ba dira barwa ba Modimo? Le a bona? Ke botse bofe boipolelo bo lego?

<sup>222</sup> Ke ka lebaka leo o bowago morago gomme ga o kgone go hwetša masometharo go tšwa go dikete tše masometharo. O no pshikološa matlapa go tšwa leroleng, le go a tokološetša ntle kua, gomme ga se a be a lokela tempele bjale. A no swanelwa go kgerwa, go lekanelo go Lentšu la Modimo, go bewa ka fale, go kopanywa mmogo, a agiwe godimo ga motheo wa Thuto ya baapostola, Jesu Kriste Leswikakutlo. Gomme O rile, "Yo a dumelago ka go Nna, mediro ye Ke e dirago o tla e dira le yena." Yeo ke nnete.

<sup>223</sup> Re ka kgora bjang go ba Kereke ge re nyatšana seng? O rile, "Se batho bohole ba tla tsebago le barutiwa ba Ka, ge le ratana seng." Ge re kalatša le go thuba, gomme bakeng sa phapano ya kerekeleina . . . Ga ke e bee godimo ga batho, ke e bea godimo ga kerekeleina. Yeo ke nnete. E sego batho le gannyane. Le a bona? Oo, go befile kudu, efela ke . . .

<sup>224</sup> O swanetše go ba le sedirišwa se bogale se, Lentšu la Modimo, go ba bopela ka go barwa ba Moago. Oo, nna! Thapelo ya ka ke, "Modimo, potlakela godimo ka Maleaki 4. Re fe Molaetša mo matšatšing a mafelelo. Re fe yo mongwe, romela se sengwe go phološa kereke ye ya Pentecostal."

<sup>225</sup> Ke mohuta mang wa motseta Modimo a tla re romelago bakeng sa matšatši a mafelelo? Ke tla go botša se, ngwanešu wa ka, kgaetsedi, bjalo ka mohlankammogo wa gago a lebeletše nako yela go tla, o tla ba mohuta wa go swana wa motseta yoo a tlago go nako ye nngwe. Mohuta wa go swana! O tla tliša kereke morago go Lentšu. Modimo, a re beeng motheo wa yona pele e fihla fa. Pele a etla, a re beeng motheo ntle gomme re be matlapa, a kgerilwego, a loketše go ema legetla ka legetla le yena ge Modimo a mo roma, ka gore O tshepišitše gore O tla e dira.

<sup>226</sup> Bjale, ke a tseba, ke ikwela seo go tleng morago. Gomme, elelwang, ka mpho ye nnyane nka kgona go swara moyo wa go hlatha, le a bona. Bjale, le ganetša seo, ge ke boletše Maleaki 4. Eupša a ke go botše se sengwe. O rile, “Jesu o rile, ‘Ge le ka kgona go e amogela, yo ke Eliya yo a boletšwego.’”

<sup>227</sup> Eupša ge le bona se A se boletšego ka go—ka go—ka go Mokgethwa Mateo, tema ya 11 gomme temana ya 6, “Ge le ka kgona go e amogela, yo ke yena yo a boletšwego, gomme o rile, ‘Ke roma motseta wa Ka pele ga sefahlego sa Ka.’” Yeo e be e le Maleaki 3, e sego Maleaki 4.

<sup>228</sup> Ka gore, ka go Maleaki 4, O rile, “Pele letšatši le le etla, lefase le tla tšhungwa gomme batho ba tla sepelela ntle godimo ga lona; la tšhungwa bjalo ka makobe.” Yeo ke nnete. O be a bolela nako yela ka motseta pele ga sefahlego sa Gagwe, yo e bego e le Eliya, yoo a rego . . .

<sup>229</sup> Ga—ga ke dumele go dilo tše tšohle di yago go dikologa lehono ka diaparo tša Eliya le dilo tše tšohle. Ke . . . Tšona tšohle diekiši di swanetše go tla, ka nnete, go nyamiša selo sa kgonthe ge se etla. Eupša, a ke le botšeng, go tla tsoga motseta mafelelong a lebaka le la Pentecostal gomme a rumu selo. E tla ba monna. E sego sehlopha, e sego kerekeleina; eupša motho. Ka mehla go bile, gomme Modimo a ka se kgone go fetola lenaneo la Gagwe, ke Yena Modimo wa Gosafelego.

<sup>230</sup> Elelwang, ge motseta yola (Johane) a bile motseta wa Maleaki 4, gona Mangwalo a šitilwe, ka gore Le rile, “Le tla . . . lefase le tla tšhungwa bjalo ka makobe, gomme baloki ba tla sepela godimo ga melora ya babe.” Kafao E baleng, gomme le bone ge eba ga se nnete. Le a bona? Eupša Jesu ga se nke a bolela seo, O šupeditše go Maleaki 3, “Ke tla roma motseta wa Ka pele ga sefahlego sa Ka, go Ntokišetša tsela.” Seo ke therešo tlwa.

<sup>231</sup> Bjale, eupša elelwang, yo mongwe yo o be a swanetše go bušetša tumelo ya bana morago go botate, go bušetša tumelo ya bana morago go Tumelo ya botate, Beibele ya setlogo.

<sup>232</sup> Seo ke tlwa se Moshe a se dirilego. Seo ke tlwa se Jesu a se dirilego. Seo ke tlwa se motseta yo mongwe le yo mongwe a se dirilego tlase go kgabola Beibele, mo nakong ya bofelo ya lebaka leo, ba bušeditše molaetsa morago. Batho, ka mekgatlo le dilo, ba ile ba hlakahlakana gohle le se sengwe le se sengwe, mo matšatšing ao.

<sup>233</sup> Ba dirile selo sa go swana lehono! Kafao re lebeletše motseta. (Modimo, mo romele!) A o nagana re tla mo amogela? Aowa, mohlomphegi! O tla ba “mokerenke le lehlanya,” kgonthe go lekanelo, eupša Modimo o tla mo netefatša. Modumedi wa kgonthe, bona ba kgethetšwegopele go ya Bophelong bjo Bosafelego, Jesu o rile, “Bohole Tate a Mphilego ba tla tla, gomme ga go motho yo a ka kgonago go tla ntle le ge Tate wa Ka a mo

goga. Gomme bohle Tate a” (nako ya go feta) “Mphilego, ba tla tla.” Yeo ke nnete, ba be ba . . .

<sup>234</sup> Ga ke dumele ka go ye mo thuto ya Baptist ya—ya tšhireletšo ya Gosafelego. Ke e dumela ka tsela, eupša ke a dumela o bolokegile ge feela o le ka Kerekeng. Eupša o tšwela ka ntle ga . . . ntle go tšwa ka tlase ga Madi a Jesu Kriste, ga se wa šireletšega. Ke bolokegile go tšwa puleng ge feela ke le ka mo.

<sup>235</sup> Gomme ge o kolobeleditšwe ka go Moya wo Mokgethwa le go re o ne Moya wo Mokgethwa, gomme gona wa gana Lentšu la Modimo? E re le dumetše gomme le amogetše Moya wo Mokgethwa, gomme gona la gana gore Lentšu ke therešo? Gona seo se ka ba bjang Moya wo Mokgethwa ge A bile Yena yoo a ngwadilego Beibebe? Moya wo Mokgethwa o gana Lentšu la Gagwe Mong, wa re, “Ke—Ke be ke le phošo, o nepile”? Aowa, yoo ga se Modimo. Aowa, mohlomphegi.

<sup>236</sup> Tšhoša ye bogale! (Morena, re romele Molaetša wo mogolo.) Seo ke se re se lebeletšego. Ka gona, nnete, ge a etla go lokiša matlapa ao le go a kgera bakeng sa moago, go tla direga eng? Bontši bja bona ba ka se emele moleko wa Lentšu. Ba tla rata mokgatlo wa bona bokaone go feta ba rata Lentšu la Modimo, le ge Lentšu lela le hlatsetšwa ke monna yola. O tla ba moprofeta yo a tla tlago ka Leina la Morena, gomme o tla ba yena yo a tla tlago godimo ga lefase. Ke a e dumela.

Oo, yo mongwe le yo mongwe o re, “E tla ba sehlopha sa batho.”

<sup>237</sup> Ke nyaka yo mongwe go ntaetša ka Beibeleng fao e tla bago sehlopha sa batho; Modimo o tla roba Lentšu la Gagwe Mong, A ka se kgone go dira seo. Aowa, mohlomphegi. O tshepišitše se. E tla ba monna yo motee. Gomme ka gona go tla ba ba bangwe le yena, nnete, dikete, badumedi bohle ba Kereke ba tla ba le yena, mogohle.

<sup>238</sup> Go swana le ge go bile ka matšatšing a Noage, fao go ka se be ba bantši kudu ba bona ba phološwago, ka gore Jesu o rile, “Bjalo ka ge go bile matšatšing a Noage.” A le tseba seo? “Bjalo ka ge go bile matšatšing a Loto,” (ba bale) “go tla ba bjalo.”

<sup>239</sup> “Magodimo le lefase di tla feta, eupša Lentšu la Ka le ka se ke.” Le bona se ke se rago? Oo, ngwanešu, bokaone re tšee setoko, go ka no ba thari ka kgonthe go feta re nagana. Go ka no ba re tla tsoga letšatši le lengwe gomme ra bona gore re hlailwe ke se sengwe. Ntšha mahlo dinameng! Šetša, rapela, hlola, nyaka, se Le dumele go go feta ka godimo. Gomme, elelwang, ge Lentšu la Modimo le rerwa, Modimo o tlemega go Lentšu lela gomme o tla Le hlatsetša.

<sup>240</sup> Le tseba se A se boletšego kua, go diregile eng ka matšatšing a Loto? O rile, “Bjalo ka ge go bile matšatšing a Loto.” Go diregile eng kua feela pele mollo o ewa? Go tla direga eng gape feela pele mollo o ewa, ke mohuta ofe wa molaetša Kereke e

tlə o hwetšago? E sego Sodoma bjale, Kereke mokgethiwa. Nno bolokang tšona ditharo: go ne Basodoma; gomme fao go be go le Loto le sehlopha sa gagwe, kereke ye fomale; fao go be go le Abraham, Mokgethiwa. Bohle boraro bja bona ba ne molaetša, ee, ka batseta ba go fapana. Šetšang ke mohuta ofe o ilego go Kereke ye e hlaotšwego, se A se dirilego go Abraham. Jesu o rile, “Go tla ba bjalo mo go tleng ga Morwa wa motho.” Bjale, re ka se kgone go ganetša seo, seo ke tlwa se Jesu a se boletšego. Kafao, nnete go tla ba ka tsela yeo.

<sup>241</sup> Bjale, bontši. . . . ge Jesu a etla le go tliša teko gomme o rile, “Phetlang Mangwalo, ka gore ka go wona le nagana gore le na le Bophelo bjo Bosafelego, gomme ke wona a pakago ka Nna,” a ba ka kgona go emelana le moleko? Aowa. Gomme mang le mang o a tseba, maipolelo ohle a maswika ao a sa kgonego go emelana le moleko wa Lentšu a lahletšwe ka go mokgobo. Le phatlogile, meetse a bulegile, le ka se emele moleko. Oo, monna, gona a romelwe go mokgobo wa thotobolo! Modimo ka mehla o badile semelo sebakeng sa dinomoro.

<sup>242</sup> Ke a tswalela. Ke maswabi ke le swareletše nako ye yohle, ga se ka ikemišetša go dira se. A nke ke no na—na nakwana, tše pedi, go dira tshwayo ye ya mafelelo, morago ke tla tlogela feela mo motsotsong. Ke a holofela ke—ke—ke boletše se sengwe go le thuša, le a bona, go le dira go ithuta. Le a bona?

<sup>243</sup> Modimo ka mehla o badile semelo, e sego maloko. Gomme lehono re dira go ya pele le morago. Re bala maloko, a go apara gabotse, balefi ba bakaone, sebakeng sa semelo. Uh-huh.

<sup>244</sup> Eliasara o ile a e tšwela sethogothogo, go fihla ge a hwetša semelo. Seo ke therešo. O be a tla hwetša mang? Gomme o tshepile Modimo. Semelo sa eng? Semelo sa Isaka, monyalwa, yo Kereke e lego sekai sa gagwe. Le tseba seo. Yeo e be e le peu ya tlhago ya Abraham; ye ke Peu ya bogosi ya Abraham. Gabotse, ge Eliasara, motseta a tsoma monyalwa le go leka go hwetša semelo, ge monna yola a tlide, motseta wa letšatši la mafelelo, a leka go hweletša Kriste Monyalwa, a ka se lebelele bakeng sa boleloko bja kerekeliina. O tla lebelele semelo se se ratago.

<sup>245</sup> Šetšang! Semelo se sebotse sa pele, gona go mo dira a be komana go kopana le Isaka. Ka morago ga ge a hweditše semelo, gona a mo dire gore a dule botelele go lekanelo go theetsa molaetša wa gagwe wa Isaka.

<sup>246</sup> Yoo ke motseta wa matšatši a mafelelo, Seetša sa mantšiboa, sa pele ke go hwetša Kereke yela (ba tla dumela kae Molaetša?), go o tsoma. A le kgona go bala se ke bolelago ka sona? Tsoma moo Kereke yela e lego yeo ebile e tla go dumelalago go tsena, yeo e ka se tswalelego lemati mo sefahlegong sa gago. Gomme ka gona ge o dira fao, gona o hweditše semelo. Bjale ge a ka ema botelele go lekanelo go mmotša ka fao Monyalwa yola a swanetšego go apara! O swanetše go apešwa. Emang tse! Ge a ka hwetša . . .

<sup>247</sup> Lebelelang Rebeka yo monnyane a theeleditše lentšu le lengwe le le lengwe, pelo ya gagwe ye nnyane e be e rethetha. O...O be a mmotša. Bjale, le e tšwetše sethogothogo, “Ke tla ya kae?” go fihla ke hwetša semelo. Ka gona ge ke hwetša semelo, ka gona go mo dira gore a eme botelele go lekanelo go mo dira gore a lokele go ya go mo gahlanetša. Oo, nna, a selo sa go ratha! (Ke duma ge nkabe re bile le nako ye ntši gannyane mo nakong yela.) Mo dire komana; a ema a šišimale go theetša molaetša wa gagwe ka yena. Eliasara o be a sa bolele ka yena mong, eupša o be a bolela ka yo motee yo a bego a romilwe go tšwa go yena. Gomme o bile le dimpho go netefatša gore o be a romilwe go tšwa go yena. Amene! O be a nyaka go mo apeša ka dilo tše. Le tseba ka fao a mo lokišitšego.

<sup>248</sup> Ge nka no mo dira a hlatswa sefahlego sa gagwe! Le a bona? Le a tseba, ke—ke nno ikwela go hlodišišwa ka seo, kafao bokaone ke homole. Go le bjalo, ke boletše go lekanelo, le tseba se ke bolelago ka sona. Go lokile, theetšang, e nong go šišimala.

<sup>249</sup> Hlokamelang, motseta wa nako ya bofelo, mošomo wa gagwe e tla ba go lokiša bakgethwa, Monyalwa go lokela Monyadi. Woo e tla ba Molaetša wa gagwe. Bjale le nyaka go ithuta diABC gore le kgone go ithuta dipalo algebra? Ge mahuto a mangwe a ka morago a bulegile a tla utollwa feela go bona. Yeo ke nnete. Ithuteng ABC pele. ABC ke eng? “Ka mehla Dumelang Kriste,” (e sego thutotumelo ya gago), Kriste. Le a bona? Dumelang se A se bolelago, e sego seo yo mongwe gape a se bolelago.

<sup>250</sup> Ge e le kgahlanong, ge monna a go botša, “Go lokile go wena go ripa moriri wa gago, basadi,” le a tseba o a aketša. Beibele e re ke phošo. Ge a re, “O ka kgona go ba motikone gomme wa no fela o sa na le basadi ba bane goba ba bahlano,” o a aketša. Seo se kgahlanong le Lentšu. Le a bona? Dilo tše dingwe tšohle tše tše re bolelago ka tšona, di bitše go Lentšu gomme o bone ge eba ke Lentšu nnete.

<sup>251</sup> Tliša morago kereke go Lentšu. Bjale, motseta yo wa Maleaki 4 o ya go dira eng? Go bušetša morago Tumelo ya setlogo, Tumelo ya tsogo. Gore, ba bone Jesu morago ga ge A tsogile go tšwa bahung, ba Mmone a šoma magareng ga bona.

<sup>252</sup> Ba be ba le banna ba mantšu a se makae. Ba ile pele gomme ba rera Lentšu. Oo, ba rerile botelele, Paulo o rerile bošego bjohle nako ye nngwe. Le a bona? Monna o wetše ka ntle ga moago, a ipolaya yenamong. O beile mmele wa gagwe godimo ga gagwe, a mmuša morago bophelong gape, le a bona. Le a bona? Le a bona, a tšwelapele go rera.

<sup>253</sup> Bjale, hlokamelang ba be ba le monna wa go fapana go feta se Ph., L.L., Q.U.S.T., le e ka ba eng o nyakago go se bitša, ke sona lehono. Eng? E aroganya motseta le...Molaetša, a ke re, ka motseta, o tla aroganya badumedi go tloga go basedumele. Ba bangwe ba bona ba tla lokologana le Ona, gomme ba bangwe

ba ka se ke. Ba bangwe ba Lutheran . . . Ba bangwe ba Katoliki ba lokologane le Luther, ba bangwe ga se ba ke. Ba bangwe ba Malutheran ba lokologane le Methodist, ba bangwe ga se ba ke. Ba bangwe ba lokologana le Pentecost, gomme ba bangwe ba ka se ke. Ba bangwe ba tla lokologana le Seetša sa mantšiboa, ba bangwe ba ka se ke.

<sup>254</sup> O ya go tseba bjang ge eba ke Seetša sa mantšiboa goba aowa? Se leke ka Lentšu (e sego feela Lentšu le *tee*, Lentšu *lohle* le beilwe mmogo), go bona ge eba ke nnete goba aowa. Oo, ke eng ka go yona? Gona ge Molaetša wo o hlagiša bohlatse bja Modimo o dira se A rilego O tla se dira, gomme o lokologane le Lentšu, ka gona Lentšu le hlatsetšwe go swana le dinako tše dingwe le diprofeto tše dingwe di dirile.

<sup>255</sup> Hlokamelang ge Molaetša . . . ge . . . Hlokamelang ge Molaetša o ganwa ke batho, gomme motseta o bonala a fentšwe moka, a ka se kgone go hwetša mojako wo mongwe, a ka se kgone go hwetša lefelo.

<sup>256</sup> Boka Morena wa rena a bile. Elelwang, ge A be . . . Oo, ge A be a fodiša balwetši, Mopropeta yo moswa, “Oo, nna! Ke Moissa yo mogolo!” “Halo, Rabi, go bjang?” Eupša letšatši le lengwe O dutše fase gomme a thoma go ba botša Therešo. O hweditše go ratwa ke kereke, batho. Dikete di Mo latetše. O be a na le badiredi ba masomešupa go Mo dikologa, ntle le lesomapedi. Eupša letšatši le lengwe morago ga ge A retolletše borotho ka go . . . goba a retolletše . . . a atišitše dillofo, go netefatša gore O be a le Modimo, gobane ke feela Modimo a nešeditšego borotho tlase go tšwa Legodimong. Ya. Le a bona? O atišitše dillofo. Gomme ka pela morago ga fao . . . O be a sepetše godimo ga meetse, o dirile mehlolo, le go dira dilo tše A di dirilego, go netefatša gore O be a le.

<sup>257</sup> Gomme ka gona, ge A dirile, O ile a dula fase gomme a thoma go botša batho ka go gagamala. Batho ba ile ba retologa go tloga. Gomme ba masomešupa ba rile, “Uh! Ke mang a ka kwago Se? Yeo ke polelo ye thata. O kgeilela fase seo ka kgonthe re nagannego se be se le se sengwe gape. Bjale, ke Wena mang go re botša dilo tše?” Gomme ba sepetše.

<sup>258</sup> Ka gona Jesu o retologetše go sehlopha sa Gagwe se sennyane, boka matšatšing a Noage, go swana le ka matšatšing a Sodoma, o rile, “Le nyaka go ya, le lena?”

<sup>259</sup> Ka gona Petro o boletše mantšu a magolo ao, “Morena, re tla ya kae?” (Modimo, re thuše.)

<sup>260</sup> Hlokamelang ge Molaetša o gannwe gomme motseta o bonala a fentšwe, moo ke ge Modimo a gatea tiragalang, Molaetša wa gagwe o fedile.

<sup>261</sup> Noage, (go tswalela bjale), Noage o rerile mo mojakong wa areka ya gagwe lebaka la mengwaga ye lekgolo masomepedi, go fihla, ge mafelelong ba mo segile wa dikwero, Noage o tsene ka

arekeng a nagana gore... go tla no loka. Modimo o tswaletše lemati. Gomme batho ba seseletše go dikologa go bona se se bego se eya go direga. Matšatši a šupa o be a dutše kua gomme a e tšwela sethogothogo, gomme ka letšatši la bošupa pula ya tla. Uh-huh.

<sup>262</sup> Moshe, o be a le ka go eng? Wona mothalo wa mošomo, a etapele batho. Lewatle le Lehubedu le ile la ya tseleng ya gagwe. O be a le bofelong bja tsela ya gagwe. Go bile nako yeo Modimo a tlilego ka phefo ya Bohlabela gomme a aroganya lewatle, bofelong bja tsela.

<sup>263</sup> E be a le Daniele, a eme ka molaetša wa gagwe, “Nka se itšhilafatše nnamong ka lefase la kgoši ye.” A eme therešo go Modimo, o be a le thwi tlase bofelong bja tsela ya gagwe, go bonagetše eke bofelo bja nako ya gagwe bo be bo tlie, ba mo lahletše ka gare ga legolo la ditaú. Modimo o gatetše godimo ga lefelotiragalo.

<sup>264</sup> Gomme mosong wo mongwe, tlasetlase ka Babilonia... Amene! Nka kgona go lebelela godimo ka Legodimong, ke kgona go bona te—te Terone, Barongwa ba eme tikologong. Go lebelela tlase fa ka Babilonia, ke kgona go bona le—le leuba la go swa. Ke kgona go bona bana ba bararo ba eme fale, ba re, “Modimo wa rena o kgona go re lokolla.” Le a bona? “Eupša ga re khunamele seswantšho sa gago, ka gore se kgahlanong le Lentšu.” Le a bona? “Re eme fa.”

<sup>265</sup> “Go lokile,” go boletše kgoši, “sepelang godimo ga materapo, le ya go tšhungwa.” Monna yo mogolo wa maboya, mo bofelong bja lerumo le, šeba ba tla go rotoga materapo, kgato ka kgato, go fiša le go fiša.

<sup>266</sup> Ke kgona go bona Morongwa a eme godimo, yo motee, ka lehlakoreng la Terone, o swere tšoša gomme a e gogela ntle, o rile, “Tate, lebelela tlase fale, se se diregago! A nke ke ye tlase, Ke nna Gabariele, Ke tla fetola lefelotiragalo.”

<sup>267</sup> “Bea tšoša ya gago morago ka sekhwameng, Gabariele. Ke e šeditše.”

<sup>268</sup> Yo mongwe šo o a rotoga, o rile, “Tate, Ke nna Kgalako, Ke nna mosenyakameetse. Mo nakong ya pele ga meetsefula, motho o dirile sebe le go hlakiša batho ba Gago, gomme Ke—ke retolotše lefase ka moka ka go tleloupu ya meetse. Ke tla gogola Babilonia go tloga mmepeng mosong wo. Ntese ke tloge.”

<sup>269</sup> “Ke a tseba o ka kgona, Kgalako, o Morongwa wa go botega. O a bona? Eupša, Nka se go dumelele wa ya, wo ke mošomo wa Ka. Ke a ya, Nnamong.”

“Mo, O ba bone?”

<sup>270</sup> “Ke ba šeditše bošego bjohle. Ke kwele kopano ya bona ya thapelo. Ke bone go emela Lentšu la Ka ga bona. Ke tla ba fao ka nako.” Oo, nna! Ke kgona go Mmona a phagamela godimo

gomme diaparo tša Gagwe tša segoši di wela go Mo dikologa, ka mokgwa woo, le go re, "Etlang mo, phefo ya Bohlabela, Leboa, Borwa, Bodikela. Namela godimo ga legadima lela mošola, Ke ya go go otleta boka koloyana mosong wo. Ke ya tlase ka Babilonia, Ke ya go fetola lefelotiragalo." Oo, ngwanešu, O be a le thwi fale mo nakong!

<sup>271</sup> Leihlo la gagwe le godimo ga phorogohlo gomme ke a tseba O ntšheditše. O sa šeditše bosegong bjo, a mpogetše, O go šeditše. O šeditše ge eba re tla ema goba go se eme, diphetho tše re tla di dirago, ge eba re tla ema therešo go Lentšu goba go tloga go Lona. Go thari go feta le nagana.

<sup>272</sup> Jakobo, tseleng ya gagwe go ya gae, a šušumeditšwe go ya morago gae, ngwanaboo be a mo kopanetša. Oo, eupša bošego bjo bongwe o katane le Modimo. O be a tšhogile go kopana le ngwanaboo, eupša mosong wa go latela o be a se ne poifo, mokgoma wa go hlotša. "Ga ke hloke Esau le ge e le madira a gagwe, le yo motee," Modimo o gatetše godimo ga lefelotiragalo. Le a bona, O dira ka tsela go makatša.

<sup>273</sup> Jesu, o gannwe, ka morago ga go ba Morwa wa Modimo yo a hlatsetšwego, o rile, "Ge Ke sa dire mediro ya Tate wa Ka, le se Ntumeleng." O be a le Seetša sa letšatši (O sa le Seetša!), o tepogetše tiragalang. Gomme batho, ge feela A kgonne... borotho le dihlapi le dillofo, ba ile ba Mo latela. Eupša ge A thoma go ba botša Therešo ya Lentšu, seo se ba arogantsše, ba bile le metlwae ya bona beng ba e swareletšego. E be e le kgahlanong, go le bjalo o a tseba gore O be a le tlwa le Lengwalo. Eupša mahlo a foufaditšwego a lefase ga se a kgona go Le bona; ga ešita ga ba dire bjale, ga ešita ga ba e dira e ka ba lebakeng lefe, ke ra, ka moka. Go diregile eng? Go bonagetše o ka re O fentšwe.

<sup>274</sup> Le a lemoga, go tloga yona nako yeo, botsebalegi bja Gagwe bo Mo tlogetše. Neng? Ge A thoma go ba botša Lentšu. Ge A be a kgona go ya le go ba—le go ba le ditirelo tša phodišo le masolo, yo mongwe le yo mongwe o be a Mo nyaka, "O Rabi, etla godimo fa!" gomme, "Rabi, etla fa!" Eupša ge Thuto ya Gagwe e thomile; "Oo, Thuto ya Gago e tshwenya batho ba rena." Oo, bobotse! "Oo, nka se kgone go ba le Wena ka kerekeng ya ka gape, Rabi, gobane, gobaneng, O gakantša batho ba rena, Thuto ya gago e kgahlanong kudu le se re se dumelago." Ga se ya fetoga. Le a bona? Ga se yona. Ya. "Ga ke kgone go ba le Wena, Rabi!" Efela Yena a hlatsetšwa, a netefaditšwe ke Mangwalo O be a le Mang, efela ga se ba kgone go E dumela.

<sup>275</sup> Mafelelong O ile pele go fihla nakwana ya mafelelo, ge Sathane a naganne "Ke Mo hweditše," o Mmapotše sefapanong. Tlase, tlase, tlase, go fihla mafelelong ba gopola gore ba be ba na le Yena, ba Mmeile ka lebitleng. Eupša e be e le ge Modimo a gatela go lefelotiragalo. Godimo go tšwa lebitleng O tsogile! Gobaneng?

<sup>276</sup> Selo sa go swana, Paulo, o rile, “Bohle . . . Demase o ntlogetše. Batho bohle ba ntlogetše bakeng sa Lentšu.” Ga ke dumele Demase o ile go diklapo tša bošego le dilo. Eupša Demase o be a nyaka go ya, Demase e be e le monna wa mohumi. Gomme o be a nyaka go ya le sehlopha sa botsebalegi, gomme kafao o ile ntle kua moo bohle ka moka ga bona ba dirilego. Gomme ka gona Paulo o rile, “Batho bohle ba ntlogetše.” Gobaneng? Bodiredi bja gagwe, o be a etla go leswika la setswalelo la bjona, a etla tlase bofelong.

<sup>277</sup> Thologelo ya gagwe e be e le go ba mohwelatumelo gobane o bolaile Stefano, o hlatseditše lehu la gagwe le go le dumelela. O be a nyaka go hwa. Ge . . . Agabo, moprofeta yola wa go tsebega, o eme kgaušwi le yena gomme a mmotša gore a se ye godimo Jerusalema, o rile, “Ga ke tsebe go ya. Eupša ga ke rate feela go ya, go ya ka diketane le go tlengwa, go ya Jerusalema, eupša ke loketše go ya le go hwela Morena Jesu.” E be e le eng? O be a tswalela bodiredi bja gagwe.

<sup>278</sup> O Kereke ya Modimo yo a phelago, re ka kgona go bolela bošego bjohle. Re ya go tswalela bjang Molaetša wa rena? Re ya go e dira bjang? Modimo, re thuše go tše Lentšu le, go ema ka bogale. A nke ke hwe ka Lentšu; ke phele ka Lentšu, ke hwe ka Lentšu. Phatlalatša Seetša, ka gore go tla ba le Seetša nakong ya mantšiboa. Re ka go iri yeo, bagwera. A re Le dumeleng, ge re inamiša dihlogo tša rena.

<sup>279</sup> Sa pele, ke kgopela tshwarelo go le swarelala nako ye yohle, thwi mo diiring tše pedi, iri le metsotsa ye masomenne tlhano, Ke a nagana, tlwa. Ke holofela gore ga go selo se se kwešago bohloko. Ga ra swanelala go kgopiša. Gore, ge seo se le ka go ya rena—ge seo se le ka pelong ya rena le soulo, gona re phošo, renabeng, ge rena badiredi re no bolela dilo tše, baena ba ka mo, banna ba ba go tlala Moya wo Mokgethwa. Le a bona?

<sup>280</sup> Ge ke phološwa gomme ke boditše modiša wa ka wa Baptist gore ke amogetše Moya wo Mokgethwa, le dilo tše tšohle, tše . . . gomme Morongwa wa Morena o mpoditše ke dire eng, o rile, “O swanetše go be o bile le sekatapowana, Billy.”

Ke rile, “Ngaka Davis, ke bone Morongwa.”

<sup>281</sup> O rile, “Oo, ditšiebadimo!” O rile, “Seo—seo ke sa diabolo.” Le a bona? Oo, nna, ka fao seo se nkogobatšago! O rile, “O ya go rerela dikgoši le babuši?”

Ke rile, “Seo ke se A se boletšego.”

O rile, “Ka thuto ya kreiti ya bošupa?”

Ke rile, “Seo ke se A se boletšego.”

<sup>282</sup> O rile, “Ke mang o naganago o tla go theetša? Go ya ntle go rera phodišo ye Kgethwa ka letšatšing la go swana le le, le yohle phatišišo ye kaone ya dihlare le dilo?”

Ke rile, “Nka se kgone go thuša ke boBogoleate ba bakae ba emego fale.”

O rile, “Ke mang o naganago o tla go kwa?”

<sup>283</sup> Ke rile, “Ge Modimo a nthomile, go tla ba le yo mongwe go nkwa.”

<sup>284</sup> Ke be ke sa tsebe ka lena batho nako yeo. Gomme ge ke etla go lena, go be go no swana le go bea klafo godimo ga seatla, ke lekanelia thwi le lena. Ke a le rata. Ke a le rata. Ke rata banešu badiša ba ka. Le nagana Presbyterian, Methodist, goba Lutheran, ba tla bula kereke ya bona boka ngwanešu yo a dirile bošegong bjo, go rena go dula mo le go rera mohuta wo wa molaetša? Aowa, mohlomphegi, le gatee. Ba ke monna wa mogale yo a dumelago Therešo. Bjale lokologanang le Lentšu le bona, le a bona, dulang kgole go tloga go dilo tša lefase.

<sup>285</sup> Dikgaetšedi, lesang moriri wa lena o gole. Aparang diroko tša lena, go kgahliša le go hlweka. Dihlong go wena. Tloša pente yeo go tloga sefahlegong sa gago. Le a bona? Le na le Lengwalo le lentši go apara pente go feta ka mo o swanetšego go ripa moriri wa gago. Yeo ke nnete. O se e dire. Le se e dire. Beibele e rile ke selo sa go goboga go mosadi go e dira. Moriri ke letago la gagwe. Bjale o re, “Seo ke selo se sennyane.” Seo se lokile, a re hwetšeng dilo tše dinnyane tseleng gomme gona re ka bolela ka ga dilo tše dikgolo. A re thomeng gabotse.

<sup>286</sup> Bjale, baena. Oo, nna! A nke ke bolele selo se tee go monna. Morena, ngwanešu wa ka, ge o ka dira mosadimogatša wa gago go dira selo sa go swana le seo, ke lewa ke dihlong ka wena, le go tteleima go ba monna wa go tlatšwa ka Moya. Dihlong go wena, go lesa mosadimogatša wa gago a ye mokgotheng.

<sup>287</sup> Gomme seaparo sa gago sohle thobalano le se sengwe le se sengwe boka seo, gomme a le a tseba Beibele e rile, Jesu o rile, “Mang le mang a lebelelago mosadi go mo kganyoga o dirile bootswa le yena”?

<sup>288</sup> O re, “Bjale ema motsotso, ngwanešu wa ka, ga ke na molato.” Ke a dumela o bjalo le wena, kgaetšedi wa ka, ga o na molato ka go tiro ya tlhago. Eupša ge o itšweletša wenamong gomme modiradibe a go lebelela, gomme o itšweleditše wenamong ka mokgwa woo, ke mang wa molato? O yena, go itšweletša ka bowena. Ka gona ka letšatsi la Kahlolo, ge modiradibe yola a arabela bootswa, ke mang a bo dirilego le yena ka pelong ya gagwe? Wena! Gobaneng? Gobane o itšweleditše wenamong. Bjale, yeo e no ba Therešo.

<sup>289</sup> A o ka se ke, a o ka se ke, kgaetšedi, ka hle, Leineng la Jesu, a nke ke go kgopele bjalo ka ngwaneno, otlolologela godimo?

<sup>290</sup> Ngwanešu, dihlong go wena go tšwetšapele ngwako wa gago ka mokgwa woo, otlolologela godimo. Ke—ke na le dikholofelo tše kaone ka wena bjalo ka monna. O a bona?

<sup>291</sup> Badiša ba ba dumelelago batho go tla ka gare, ba tšeа matikone le se sengwe le se sengwe gape le mešomo boka yeo, le basadi ba babedi goba ba bararo ba go phela, le dilo, a ga o lewe ke hlong, modiredi? A ga o lewe ke hlong ka dilo tšeо? Gomme ba tšeela maloko ka kua ge ba phela ka bootsweng, le go kgoga disekerete, le go direng tšohle, gomme ebile le go se e bolele go tšwa sefaleng. Dihlong go wena! Ke—ke—ke a go rapelela, ngwanešu.

<sup>292</sup> Modimo a le šegofatše. Ke a le leboga bakeng sa kgotlelelo ya lena go nkgotleleng. Bjale, ke a makala . . .

<sup>293</sup> Seetša sa mantšiboa se tlie. Seetša sa mantšiboa di mo, morago go Lentšu.

<sup>294</sup> Bjale, ka dihlogo tša lena di inamišitšwe, dipelo tša lena di inamišitšwe, ipotšišeng lenabeng potšišo ye, “A ke lekanelo go Lentšu le? A ke a dira?”

<sup>295</sup> Thapelo ya ka ke, go tšwa sefaleng, “O Modimo, ripa se sengwe le se sengwe go tloga go nna seo se sa swanego le Wena. O Modimo, tloša go tloga go nna.” Re tlase fa mo bofelong bja tsela.

<sup>296</sup> Go lokile, a o ka ba go hlokofala goo go phagamiša diatla tša gago le go re, “Modimo, ripa go tloga go nna se sengwe le se sengwe seo se sa swanego le Wena. Ntire, Morena, nkgoloke gomme o ntire”? Morena a go šegofatše.

<sup>297</sup> Ge go na le yo mongwe yo a sego a loka, gomme e le modiradibe gomme a phaphametše ka mo bosegong bjo, gomme ga se a ke a amogela Kriste bjalo ka Mophološi, goba mokgelogi goba selo se sengwe, gomme o nyaka go tla morago, o laleditšwe go tla go ema mo aletareng. Ge le dumela gore Modimo o tla kwa dithapelo tša ka go balwetši, ke a dumela O tla nkwa. Gomme lena le nna mmogo ge re bea tumelo ya rena godimo ga Sehlabelo, Jesu Kriste, Morwa wa Modimo, le go neele thapelo, ke a dumela Modimo o tla kwa. O a laletšwa go tla le go emela thapelo.

<sup>298</sup> Bjale, Tate wa rena wa Magodimong, re neela go Wena batheeletši ba, mantšu a a robegile ao a bego a le botelele, Morena. Ebile ba bantsi ba lapile le go kgathala gomme ba ile gae, gomme mohlomongwe bangwe ba ikwetše gampe gannyane, gomme, Morena, nka—nka se no bolela ke mang a lego ka go batheeletši nako yohle. Gomme, morago ga tšohle, Tate, Ke Lentšu la Gago gomme O tseba pelo ya ka. Kafao . . . gomme nna ke . . . Wa madimabe ke nna ge ke sa e dire. Gomme ke—ke swanetše go e dira, Morena. Kafao ke a rapela bjale gore batho ba ba nago le kwešišo ya Lentšu ba tla kwešiša ka go hlaka, gomme ke na le nnete bao O ba bileditšego go ya Bophelong ba tla, gore ga se e ka ba eng lefaseng eupša pelo ye e tletšego lerato go Modimo le Kereke ya Gagwe yeo ke phophothelago dilo tše.

<sup>299</sup> Tate, ka kgonagalo seatla se sengwe le se sengwe ka fa se ile godimo bakeng sa lebollo, go ripša yohle ya go fetelela yeo e sego ya fale. Modimo, re thuše bohle. Ke ema thwi le bona,

Morena. Ke yo mongwe wa bona, ke šeditše go tla ga letšatši lela la lethabo la Mileniamo ge sebe le dihlong di tla senywa neng le neng. Gomme, Tate, ge re sa le ka lefaseng le re a tseba gore re laolwa ke dilo tše, re laolwa ke diphošo, re laolwa ke sebe, re sa sepela, gomme efela ga re kganyoge go se dira. Bjalo ka ge Beibebe e rile, “Se palelweng ge le kgadilwe.” Eupša ke a rapela, Tate, gore go kgala ga Lentšu go ntshega feela ka maatla bjalo ka ge le ripa ka moka ga bona. Gomme ke a rapela, Tate, gore ba tla e kwešiša ka tsela yeo.

<sup>300</sup> Ke a rapela gore O tla ba šegofatša bjale. Gomme a nke se, ge re rapetše pele, Morena, go tsebeng le go šetša se re se kgopelago, gobane ga re nyake go kgopela šopoding, ga re nyake go kgopela se sengwe seo se nogo go dira mantšu, ka gobane re bolela le Wena.

<sup>301</sup> Ke kgopela Wena go šegofatša ngwanešu wa rena yo monnyane fa yoo a butšego lemati la gagwe go nna go tsena bošegong bjo. Ke a rapela gore O tla šegofatša kereke ya gagwe gomme a nke yo mongwe le yo mongwe wa maloko a gagwe, Morena, feela... A nke wo e be ngwako wa seetša, lefelo moo dimpho tša Modimo di elago le se sengwe le se sengwe di no kitima ka go thelela.

<sup>302</sup> Šegofatša modiredi yo mongwe le yo mongwe yoo a dutšego fa, dikereke tša bona. Gomme a nke go be le tšhikinyego e bjalo, goba go kwagatšeng mohlareng wa mmoropei, ga Moya wa Modimo o kgabaganya Phoenix, le go tliša dikereke go kopanelo le go—le go tsošeletšo ye kgolo, gore badiredi ba ka se kgone go rera, bakeng sa Letago la Modimo; eupša ge bakgethwa ba etla mmogo ka pela morago ga sekgalela, ba goeletša le go rapela le go paka le melaetša, feela tšhologelo ya kgonthe ya Moya, ge toropokgolo ka moka e tla gogelwa go tla, go theetša. E fe bjale.

<sup>303</sup> Fodiša balwetši ka magareng ga rena, Morena. Ba fe khunologo ye Kgethwa, Tate, ka la Jesu Kriste Leina.

<sup>304</sup> Bjale ka dihlogo tša rena di inamišitšwe, ge go na le yo a itšego mo yo a kganyogago go ema thwi go dikologa aletara bjale, gomme ge re sa ne dihlogo tša rena di inamišitšwe, gomme re no ya go hama koša ye nnyane, ye—ye—ye botse, pina ya kgale ya Ebangedi. Gomme re nyaka go hama yeo. Gomme ge re dira, ge eba go ne e ka ba mang a ratago bakeng sa rena go le rapelela, go bo—bo boitemogelo bja botebo, go amogela Moya wo Mokgethwa, goba o phološitšwe gomme ga se wa hlwekišwa le bjale, goba e ka ba eng, re tla thaba go dira seo ge re sa hama koša ye nnyane ye, *Ke A Mo Rata*. Gomme ge le Mo rata, a re hlompheng Lentšu la Gagwe bjale.

Ke a Mo rata, ke a Mo rata  
Gobane O nthatile pele  
Gomme a lefela phološo ya ka  
Godimo ga mohlare wa Khalibari.

<sup>305</sup> Ge ba sa tla, ke nyaka yo mongwe le yo mongwe go tšea lefelo la bona mo bjale. Go lokile, kgaetsedi.

... Mo rata, ke a Mo rata  
Gobane O . . .

Etlang godimo bjale, go dikologa aletara, lena ba le nyakago go tla bjale.

... nna  
Gomme a lefela phološo ya ka  
Mo wa Khalibari . . .

<sup>306</sup> Gobaneng ba bangwe ba lena dikgaetsedi ka moriri wo mokopana le etla godimo fa gomme le keno go Modimo? Le nyaka ke le balele yona go tšwa ka Beibeleng? Go lokile. A o ka se tle, wa re, "Morena, ke nyaka go ba thwi ka go dilo tšohle, gomme ke nyaka go thoma gabotse. Gomme ke nyaka go ya tseleng ye kaone le go dula fale. Ke ya go dira keno go Wena bošegong bjo, Morena. E ya go gola go tloga bjale go ya pele"?

<sup>307</sup> Beibele e rile ke dihlong go monna go ba le moriri wo motelele, o lebega boka mosadi. Modimo o dirile dikgwerano tše pedi, ye tee le Adama le ye nngwe le Efa. O ba apešitše go fapania. Ba a fapania, ka moka mmogo. Ka mehla ba bile go fapania. Go na le dikgwerano tše pedi thwi pele tlase go kgabola Beibele. Ke tla rata go rera ka kgwerano gabedi bošegong bjo bongwe, nako ye nngwe, go le laetsa se phapano e lego sona. Oo, nna, go a kgahliša. Ebile e ka go taba ya gago ya lenyalo le tlhalo, ge feela o ka be o tsebile therešo ka seo, e tla fedisa taba yohle. Yeo ke nnete. Go lokile, gape bjale, ge re sa ne kgontha bjale. Etla, a o ka se?

Ke a Mo rata, . . .

O hloka Moya wo Mokgethwa? Etla godimo, ema tikologong.  
Gobane O nthatile pele  
Gomme . . .

O nyaka mosepelo wa kgauswi le Yena? Etla, dira keno, ema hleng le Yena gomme o e boloke. Go ka se dire botse go dira keno ntle le ge o e boloka.

Godimo . . .

O ka kgona go tla go dira keno ya gago. Modimo o swanetše go e tlatša. O no swara keno ya gago.

<sup>308</sup> Bjale ke ya go kgopela banešu badiredi ge le ka sepelela tlase bjale tikologong fa, emang thwi go dikologa batho ba bohlokwa ba ge re rapela thwi fa, bolela le yo mongwe le yo mongwe, kgopela ditlhoko tša bona bjale ge re sa le fa.

<sup>309</sup> Yo mongwe le yo mongwe feela ka tlhomphokgolo ka mo o kgonago go ba. Bjale, Modimo o tla go hlompha, e no ba ka tlhomphokgolo ka kgontha go fihla thapelo ye e dirwa. O ka

kgona go tla thwi go dikologa bjale, ka mo, go dikologa, godimo le ka morago ga batho ba bao ba emego mo bakeng sa thapelo.

Godimo ga mohlare wa Khalibari.

<sup>310</sup> Bjale gape, ge go sa le badiredi ba kgobokana ka mahlakoreng a mabedi.

Ke a Mo rata, ke . . .

Ke rata go bona seo, badiredi ba mekgatlo ya go fapano, bohole ka go o tee bjale; woo ke ka tlase ga Madi.

Gobane O nthatile pele

Gomme a lefela phološo ya ka

Godimo ga mohlare wa Khalibari. (Nna!)

<sup>311</sup> Bjale sepelelang godimo, baneshu, thwi go motho wa gago o emego kgauswi le yena, bea seatla sa gago godimo ga bona gomme o ba botšise se ba se nyakago go tšwa go Modimo. Ye nako ya go makatša? Le a tseba, ge ke bona se, lebelelang mo, badiredi ba dikereke tša go fapano, baeme tikologong mmogo. Dikgaetsedi tše di bego di le mepeteng di godimo, ntle, di ile. Tumišang Morena. Ke leboga seo kudu, go eme ka Leina la Morena.

<sup>312</sup> Bjale, a nke batheeletši bjale, yo mongwe le yo mongwe obamiša hlogo ya gago. Yo mongwe le yo mongwe wa lena bjale, ka pelong ya gago, e no bolela le Modimo go swana le ge o tla bolela le nna; boka o tla tla godimo le go re, “Ngwanešu Branham, ke—ke . . .” Ge o dirile se sengwe sa phošo, e re, “Ke maswabi, Ngwanešu Branham. Ke—ke dirile se, a o tla ntshwarela bakeng sa sona? Ke tla dira tshepišo go wena, Ngwanešu Branham, nka se tsoge ka dira seo kgahlanong le wena gape.” Bjale e no fetola go tloga leineng la ka, go tloga go nna, go ya go Morena wa gago Jesu Kriste.

<sup>313</sup> Gomme ge o hloka phodišo, boka ge o ka tla wa re, “Ngwanešu Branham, ke—ke hloka tšelete, ga se ke be le selalelo se se itšego bošegong bjo, gomme, ya, ke a tseba ge o ka be o na le tolara o be o tla mpha yona.” Bjale, le a bona, ga wa swanelwa go bolela go Modimo, “Ge O na le maatla a phodišo.” O na le ona, le a bona. Le tla swanelwa ke go re go nna, “Ge o na le yona.” Eupša go Yena ga wa swanelwa gore o re, “Ge O na le.” O nao! Le a bona? Ka fao o re, go swana le, “Ngwanešu Branham, a o ka mpha tolara? Ke—ke—ke hloka se sengwe go ja.” Gobaneng, nnete ke be ke tla, le tseba seo. Ge nkabe ke bile le yona ke be ke tla e fa go lena, nako ye nngwe le ye nngwe. Ke tla ba le pelo ya go šiiša ge nkabe ke sa. Gomme nna, ke le yo sehlogo, monna wa modiradibe, gomme ke tla ba pelo ye botse yela go yo mongwe boka wena, Modimo o tla ba eng?

<sup>314</sup> “Ge o le yo mobe o tseba ka fao o fago dimpho tše dibotse, ke bontši gakaakang Tate wa lena wa Legodimong a tla ba fago Moya, woo ba O kgopelago.” “Ge o ka kgopela hlapi, a A ka

go fa sephente? Kgopela borotho, a O tla le fa letlapa?" Ka kgonthe aowa!

<sup>315</sup> Gobaneng, ge le ka no Mo kgopela ka tsela yeo, ka tumelo, go dumeleng seo, le tla se hwetša go tšwa go Yena makga a milione ka pela go feta le ka hwetša e ka ba eng go tloga go nna. Gomme le a tseba ke tla le thuša, ke tla dira e ka ba eng nka kgonago. Yo mongwe le yo mongwe wa bana bešu ba o tla, re tla gonyolla pene ye nngwe le ye nngwe go tšwa potleng ya rena go le thuša. Re tla dira e ka ba eng re kgonago. Eupša se ke se sengwe o swanetšego go dumela ka tumelo.

<sup>316</sup> Bjale, o a dumela gore o tla e amogela ge re rapela, gomme wena rapela, le batheeletši ba rapele, gomme ke a dumela Modimo o tla tla fase le go hlompha thapelo ya rena. Gomme wona motsotso woo le ikwelago gore le na le Ona, gore Modimo o ya go araba thapelo ya lena, gona o dirile kgwerano, "Morena, ke dirile phošo, nka se sa e dira. Ke tla phagamiša seatla sa ka, ke a Go tshepiša nka se ke," Modimo o tla go tšea lentšung la gago. Gomme o no e dumela ka tsela yeo gomme go tla be go fedile. Gona nno phagamišang diatla tša lena gomme le Mo leboge, "Morena, ke dirile keno ya ka. Gomme ke a tseba gore ke ya Gago, gomme O tshepišitše go e araba, gomme O ka se kgone go palelwa."

<sup>317</sup> Tate wa Legodimong, rena, bahlanka ba Gago, re ema godimo ga sehlopha se seo se tlidego pele se hloka ditšhegofatšo tša Gago le šedi ya Gago mo nakong ye. Tate, ke bona diala tša Molaetša, nako ya Seetša sa mantsiboa. Ba bantsi ba bona, Morena, ba a ipolela. Ba bangwe ba bona ba hloka ka tlhokofalo. Ke a rapela, Modimo, gore ka go la Jesu Leina gore O se ke wa retolla le o tee wa bona go tloga, gobane O tla boloka Lentšu la Gago. Ke tliša Lentšu la Gago go kelello ya Gago, Morena, bjalo ka ge Petro a dirile le barutiwa ge ba rapetše ka go Ditiro 4, ba rile, "Morena, gopolə Lentšu! Gobaneng bahetene ba befelwa gomme batho ba eleletša selo sa lefeela?"

<sup>318</sup> Bjale, Tate, re tliša Lentšu la Gago. O rile, "Yo a dumelago go Nna o na le Bophelo bjo bosafelego. Yo a tlago go Nna Nka se mo rakele ntle le ka mokgwa ofe. Yo a kwago Mantšu a Ka gomme a dumela go Yena yoo a Nthomilego o na le Bophelo bjo Bosafelego, gomme a ka se tle Kahlolong eupša o fetile go tloga lehung go ya Bophelong."

<sup>319</sup> Oo, dira dikgopelo tša rena di tsebje go Modimo, gomme O tla re araba. O ka botlalo . . . "Yo a tla ipolelago dibe tša gagwe o tla ba le tshwarelo. Yo a utago sebe sa gagwe a ka se atlege." Gomme re ipolela diphošo tša rena. Ke bolela diphošo tša batho. Ke ipolela diphošo tša ka mong. Ke kgopela kgaogelo. Ke kgopela bakeng sa phodišo. Ke kgopela bakeng sa mogau. Ke a kgopela gore O tla tšhollela ntle Moya wo Mokgethwa, Morena, thwi bjale godimo ga batho ba ba letilego ba, gore maphele a bona a tla

fetolwa ka go poloko ya go kgoloka ya Modimo, gomme o tla kgolokwa ka seswantšho sa Morwa wa Modimo, gore Moya wo o Mo phedišitšego, wo o tla tlago ka mmeleng wa bona le go ba dira barwa le barwedi ba Modimo. E fe, Morena.

<sup>320</sup> Re a dumela gore O gona. Re a dumela gore O tla hlompha Lentšu la Gago. Re a dumela O tla hlompha matsapa a Lentšu. Bjale romela ditšhegofatšo tše godimo ga batho ba ge ba letile bakeng sa Bogona bja Gago go ba etela mo aletareng. Ka go la Jesu Leina.

<sup>321</sup> Bjale, ge o dumela, gomme wa dumela o amogetše, phagamišetša seatla sa gago godimo go Modimo. Ge o e amogela bjalo ka thapelo ya tumelo le keno ya gago bjalo ka ge bjale o retologela go Modimo, phagamišetša diatla tša gago godimo.

<sup>322</sup> Gomme a nke batheeletši ba eme. Yo mongwe le yo mongwe, emang, yoo a nyakago go dira keno go Modimo, bjale e re, “Ke a O dumela. Ke a O amogela. Ke a O dumela.”

<sup>323</sup> Bjale emišang diatla tša lena gomme le Mo fe tumišo gomme go tla be go fedile. Letago go Modimo! Ke a Go leboga, Morena Jesu, bakeng sa botho bja Gago le kgaogelo ya Gago, le bakeng sa tšohle tše O re diretšego, Morena. Re Go fa tumišo ka Jesu Kriste.



*MOTSETA WA MANTŠIBOA* NST63-0116  
(The Evening Messenger)

Molaetša wo ka Ngwanešu William Marrion Branham, setlogong o abilwe ka Seisimane ka Laboraro mantšiboa, Janaware 16, 1963, ka Pentecostal Church Of God ka Mesa, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)